



ル 1
3176
18

海國圖志

卷六十三
之六十九



門ル
號3176
卷18



海國圖志目錄

外大西洋墨利加洲 即彌利堅洲

卷六十三

彌利堅國西路十一部

阿那麻馬部 一作亞喇罷麻

彌斯西北部 一作美土細比

雷西阿那部 一作累斯安

因地阿那部

地尼栖部 一作典尼西原本有錄無志今以他志補之

阿千薩斯部

彌梭里部 以上七部連下因底阿四部共十一部皆彌利堅西路

以上二十七部落分東西二路

威斯滾申部

威斯頓部

威斯頓底特力部

阿里顏部

以上四地皆因底阿土人

附彌利堅西路

卷六十四

墨西哥國

一作墨是

北墨利加洲西南四國

北墨利加洲西方三國

北墨利加洲西北土蠻

以上四處皆原本無今據職方外紀補入

卷六十五

北墨利加洲內英俄各國屬地

卷六十六

德沙國

一作得撒一作特拔在北墨利加洲

危地馬拉國

一作跨的馬刺國在北墨利加洲

卷六十七

南墨利加洲智加國

即長人國一名巴羅彌那

金加西臘國

即哥倫比亞國又附厄瓜爾多國及委內瑞辣國均在南墨利加洲北境

孛魯國

一作伯路原無今補

破利威國附

卷六十八

巴拉大河國

巴拉圭及烏拉乖二國附均在南墨利加洲內

伯西爾國 一作巴悉在南墨利加洲

卷六十九

智利國 一作治理一作濟利在南墨利加洲西南境

南墨利加洲內各國兼攝地

墨利加洲極南方土番部落

卷七十

南墨利加諸島

西海諸島 在墨利加西海之隅被歐羅巴列國所據

南極未開新地附錄

海國圖志卷六十三

歐羅巴人原撰

侯官林則徐譯

邵陽魏源重輯

外大西洋 北墨利加

彌利堅國西路十一部 內有土番四部

阿那麻馬部東界若治阿南界佛羅里達海西界彌斯栖比北界地尼西土饒沃豐物產境內多山不甚高有單麥米河長三百里陸有鐵車路可達鄰部運載絡繹舊與若治阿彌栖斯比同區至千八百二年

嘉慶七年始分爲三部至千八百二十年嘉慶二十五年歸附于

彌利堅國領小部落二十有六以都士加魯沙爲首

區幅員五萬二千方里戶三十萬九千五百二十七

口俗奉加特力教波羅特士頓教設總領并總會公

署一所土產金鐵棉花甘蔗洋藍石板原本

美理哥國志畧曰亞喇罷麻部舊地半屬磋治亞半

屬費羅里大迨道光元年然後合爲一部東界磋治

亞北界典尼西西界美士細比南界費羅里大與美

是哥海方域較之磋治亞又畧小焉北有押罷拉既

俺山高約百餘丈亦有數河大者名亞喇罷麻河皆

流注磨庇理灣而出海境內自南距北五度故南方

夏暑北則稍有霜雪亦不甚寒故禽獸毋庸巢穴土

產稻穀果實皆三月放花四五月成熟境內炎熱土

人至夏常人山避暑所產松皆弱小稻穀多虛少實

其外南近美是哥海並北近山者盡屬膏腴地曠人

希獸蹄鳥跡交於野外農牧時防猛獸棉花爲盛次

則甘蔗稻穀煙葉果實皆販至磨庇理灣而出海分

中部落三十六居民三十萬零八千九百九十七口

別有土蠻數百官員則首領副領各一惟議處官多則五十少則二十五員會議以十月杪為期會城建於磨庇理灣口因以為名教會二百餘大書院惟二所今補

〔彌斯栖比部東界阿那麻馬南界雷栖阿那海西界阿干薩士雷栖阿那北界地尼西土饒林木茂惟少大山彌斯栖比河最長在境內即有六百里陸地亦有鐵車路以通鄰部舊屬佛蘭西之雷栖阿那地干七百一十六年康熙五十五年曾建有那支士部落礮臺於

千七百六十三年乾隆二十八年為英國所奪越二十年又為大呂宋所奪與若治阿阿那麻馬同區嗣若佐治阿那麻馬自歸彌利堅國于是本部落亦遂全售與彌利堅聽其設官治理領小部落二十有五以熱循為首區幅員四萬六千方里戶十三萬六千六百二十一口俗奉加特力教波羅特士頓教設立總領諸官及書館經費如前例舊產煙葉洋藍最盛近又棉花為最原本

〔美理哥國志畧曰美士細比部始自康熙五十四年

法蘭西人初至寄居有西班牙人亦欲其地故二國相爭自此以爲公地後英吉利又與法蘭西相爭迨乾隆二十七年英吉利得之嘉慶二年始歸美理哥二十二年列爲一部東界亞喇罷麻北界典尼西西界美士細比河南抵累斯安比之中國直隸省畧小北有押罷拉既俺山至斯而止境北之土皆峻故北河之水有斜下注美士細比大河者有東下注亞喇罷麻者惟境內之河南注墨息哥海地氣寒暑與亞喇罷麻不異惟西無隄障時受美士細比河之溢漲

地極膏腴遠勝亞喇罷麻尤宜棉花貿易亦惟棉花最盛分中部落二十六居民十三萬六千八百零六口會城名查基遜城外附河名珠江人寡貿易少惟西南方之那吉士城商賈雲集以其近美士細比河火船洋船皆可販運之故今補

雷栖阿那部東界彌斯栖比西界墨西果國南界海北界阿干薩土地卑濕少大山肥磽各半列河之源長二千里經數部落始至本境而注之海其不通河路者各有鐵車路以運貨始佛蘭西之人墾彌斯栖

比之西隅原屬雷栖阿那之地於千七百六十三年
乾隆二十八年均為大呂宋人所奪千八百年嘉慶五年佛蘭西
人始復取回越三年即與彌利堅國領小部落十
有九以紐哈連為首區幅員五萬五千方里戶三萬
四千七百三十口設總領并總會公署一所大書館
甚多歲支銀萬五千員俗奉加特力教波羅特士頓
教產棉花甘蔗煙葉洋藍稻穀牛馬原本
美理哥國志畧曰康熙十一年法蘭西人至累斯安
地寄居十九年又隨有至者乾隆二十七年以其地

讓于西班牙王嘉慶四年西班牙王返其地七年美
理哥國總領議出銀千五百萬員與法蘭西王買之
後十六年立為一部東界美士細比北界倚阿干騷
西界墨息哥德合師國南界墨息哥海墨息哥國一作墨西科
是作墨內地延袤與中國直隸省大同小異東南地平
西北峯小不峻多大河南有數海島地氣暑熱間有
煙瘴美士細比河水常漲溢漫及會城即南方亦常
患潦棉花甘蔗之盛甲于二十六部一農夫可種甘
蔗十五畝得糖五千斤棉花價賤有風櫃可以去棉

子而取棉花每櫃能當數百人之工貿易則賴美士細比河凡上游各部洋船皆雲集于斯分中部落三十一居民二十一萬五千五百七十五口會城在東南方離河口三百里名新珂涼士補今

因第阿那部東界阿希阿南界地尼栖西界依里內士北界彌治顏土膏沃山巔亦堪播種茂樹木有注麻時河長三百七十里陸有鐵車路可通各部始佛蘭西人於千七百年康熙三十九年始開其地千七百六十年乾隆二十八年為英國所奪嗣隨各部背英歸彌利堅

國原與依里內士同區千八百九年嘉慶十四年始分為一二領小部落三十有四以因地阿那波里士為首區幅員三萬六千五百方里戶三十四萬三千三十口俗奉加特力教波羅特士頓教立正副總領及西業三年一易里勃里先特底甫一年一易判事之人毋論上等次等俱七年一易均由民人公舉書館經費由公田撥出產洋參煤鹽鐵牛馬粟苧蔴蜜蠟烟原本依里內士部東界因底阿那南界彌梭里地尼栖西界彌梭里北界威士哀申地勢平坦茂林木宜牲畜

彌斯栖比河長五百五十里始佛蘭西人於千七百
 年康熙三十九年先墾附近河岸地建築加河機阿加士機
 部落至千七百六十三年乾隆二十八年為英人奪據與因
 底阿那同區千八百九年嘉慶十四年始分為二千八百
 一十八年嘉慶二十三年亦附于彌利堅國領小部落二十
 有八以灣達里阿為首區幅員五萬五千方里戶二
 十七萬二千四百二十口俗奉加特力教波羅特士
 頓教設立正副總領與各部一例產鹽煤鉛鐵銅苧
 蔴煙葉棉花石板麥稻穀其內地出產未能悉知原本

地尼西部

原本有目無志今取美里哥國志中典尼西部補之

美里哥國志畧曰典尼西之始僅有駕羅連北部與
 費治彌亞等人至後生齒日繁嘉慶元年遂立為一
 部東界駕羅連北境北界費治彌亞建大基二地西
 界美士細比河南界美士細比亞喇罷麻磋治亞三
 地東南長袤四面皆斜如浙江省東有峻嶺自北而
 南橫歷數百里與押罷拉既俺山相連河流相通地
 皆膏腴不寒不暑農圃之物除橙及無花果外餘皆
 茂盛工作則有鐵器棉夏布疋等其餘各物皆備部

內分爲二路又中部六十二居民六十八萬四千八百二十二口會城建于中央名那實城官有首領議處參議等教會二三百書院三所今補

阿干薩斯部東界彌斯栖比第尼栖南界雷西阿那西界因底阿北界彌梭里境內西隅有阿薩麻薩尼大山未悉里數彌斯西比河經境內四百里其地原屬彌梭里千八百一十九年嘉慶二始分爲達厘多里至千八百三十六年道光十四年即歸附于彌利堅國領小部落二十有四以力特爾洛爲首區幅員五萬

四千五百方里戶五萬八千一百三十口俗奉波羅特士頓教加特力教設立總領及總會公署之西業皆四年一易里勃里先特底甫二年一易審判之人由總領公署選派上等者八年一易次等四年一易其公舉之制眾口明言毋須暗書保薦此異于各部者禁賭局賭具最嚴奴僕有罪視白人一例治罪無所畸重

彌梭里部東界依里內士南界阿干薩士西界威斯特頓北界威斯袞申境少大山林木叢茂彌梭里河經

境內五百五十里通舟楫產白鉛砒礪黑鉛鐵煤鹽
石板牛皮棉花牲畜粟麥稻穀千七百年康熙三十九年佛
蘭西人始至其地先建仙羅依士僊尼威委兩部落
土番有二種一曰格臘包士即佛蘭西人之後裔一
曰牙模士即佛蘭西人與因底阿士人婚配而生者
為黑白不分之人作事靈巧特鮮專心原與阿干薩
士同地至千八百一十九年嘉慶二十四年始分部落設職
官三載即附于彌利堅國領小部落二十有三以渣
法甸為首區幅員六萬六千方里戶二十一萬口俗

奉加特教波羅特士頓教設立正副總領二年一易
總會公署之西業四年一易里勃里先特底甫二年
一易至判事之人即由總領等選派久暫視乎其人
有書館教文學寬卹奴僕有殘害其肢體性命者罪
之原本○案此志共列二十七部而美理哥志畧則止二十六部者以首部戈攬彌阿乃國都不列于部數也

彌利堅國邊地土番四部

美理哥國志畧曰新國邊地有一類人言談舉止皆出
類拔萃不知其始自何來惟見其行藏有如亞細亞之

海國圖志 卷之三十三
土蠻方歐羅巴人始到之時土人約有十數萬今則三四十萬矣計其地則有數十社體膚赤而眼髮黑光其髮長而麤其身高而力其心明且信議事則知敬老臨戰有進無退惟遇有仇恨輒若不共天或受人欺負愠坐不言審思良久起卽赴湯蹈火務必雪之倘被敵擒則束手受戮斷無屈膝求免此土蠻之性情也惟無書籍不知文字亦不識耕織炊汲茹毛飲血及啖菓木菜瓜而已平日惟業漁獵或歌跳賭博病無方藥惟求叱法之人餘事則皆付之婦人也炎夏腰圍獸皮冬寒則

全衣皮毛又有面塗五色頭插烏翎意示人以威也雖有房舍棲身不過蓬簳無金銀銅錢諸幣但以樹皮珠石相交易惟立總理頭目以議事至道光元年有新國人至其地定章程導以士農工商之事風俗漸開方英吉利據十三部時間峻土蠻騷擾內地及與新國交兵英吉利欲募土蠻使爲前驅以攻新國奈語言不通土蠻不爲其所用而新國西邊居人多與土蠻相習者于是購募土蠻授以兵器教以隊伍別立一軍以助兵鋒土蠻踴躍用命盡力屢敗英兵故新國之勝英吉利土

蠻亦不為無助焉。地在新國之西，落機大山之東，墨西哥國之北，英吉利屬地之南。原無，今補。

彌利堅國因底阿土番四部。以下原本

威斯滾申達多里部在彌治顏之西，東界彌治顏湖，西界威斯頓，北界英國屬地，南北距六百里，東西距五百里，多陵阜，少大山，土饒易種，北隅多湖，其稔邦碧湖，即彌斯西北河所發源也。彌梭里河在西隅邊界，曲折環繞，經境內千三百里，此外尚有支汊小渠，可通舟楫。本因底阿土番所居，千八百三十年。道光十年

始有彌治顏之白人遷往，有居彌斯西北河東者，以威斯滾申為要區，遂創建部落礮臺，尙未設官治理也。東有厄領比村，那注厘阿村，南有彌爾彎機村，各建礮臺，民業工作，至勃拉伊里都珍村，多佛蘭西貿易之人約五六百，若彌斯西北河之西，亦稱沃壤，產鉛鐵煤炭尤豐。故彌利堅人於千八百三十二年。道光十二年，即糾同土番奪得其地，于濱河之都模格創建部落，居民千二百人，少南之麥領頓村，居民六百人，築礮臺以保障，居西北者，穩底林阿土種類約四千。

五百人由此少東則彌那靡尼種類約四千人居西南者沙士賀織士兩種約六千五百人依阿威士種類約千二百人此外尚有因底阿之人散處各方種類不一在北隅與英國所屬交界之邊米那村彌利堅設有皮草公司派人貿易築有礮臺保衛綜計威士滾申幅員共有二十九萬方里彌利堅人在此者約計三萬餘口所開地不過十分之一

威斯頓達多里部即因底阿土人所居東界阿干薩士彌梭里南界墨西果西界落機大山及墨西果北

界威斯頓底特力幅員二十萬方里地土肥瘠不等肥者產五穀蔬菜牧羊取毛爲織羽毛之用瘠者荒磽不毛並有冬令薪燒不然惟有一種冬草以資炊火落機大山在境內者曰占士峯高約千餘丈其北隅尚有最高之峯未及測量阿干薩士河源自落機大山而至阿干薩士部落長千五百里其水深廣爲烈河搔夥河加那底庵河那夥河蘭甯洼撻河阿些治河干薩士河所不及此地乃彌利堅國給與因底阿土人獵牧之所立書館起廟宇給工作器具冀漸

化導第種類亦多有土著者有自外遷來者今將武
士衙門於千八百三十六年道光十年春所查明種類
戶口方里列後

土番十四種

作烏斯種類萬五千口居地二萬三千五百方里
在阿干薩士之西以耕種為業產棉花粟米牲畜
亦頗富足有出資數千金作商賈販鹽工作之事
漸知文字自立頭目三人理事四年一易又設立
法之岡塞爾三十名一年一易皆由民人自舉嚴

禁販酒入境有彌利堅國所設廟宇六所教師十
三名并于列河口岸築礮臺一所近習聲教廬舍
華整

格力士種類三千六百名居地二萬五千方里在
作島士之北土肥易耕種其田皆以木圍之產粟
米麥稻蔬菜屋雖不華而寬大自立總岡色爾理
事並設有審判官行法官彌利堅亦于此立廟宇
教師

支羅機士種類六千名居地方二萬二千方里在

格力士之東北人多耕種產鹽及牲畜服色器皿屋宇畧同自立頭目三人理事立法之人分爲兩所每年會議一次並設審判與行法之官各二其阿干薩士河岸有彌利堅國礮臺並廟宇教師二十人刊印書板

阿些治士種類五千五百名居地方萬一千八百二十方里在彌梭里之西原居之士著半已歸化建房屋業耕牧未入化者隨處棲止周圍插竹障以牛皮卽爲居室澹樸而貧苦

瓜包士種類四百五十名居地方百有五十方里在彌梭里之西其人比阿些治士畧漸聲教且能誦讀惜無教師訓導

沙洼尼士種類千二百五十名居地方二千五百方里在彌梭里之西爲因底阿種類中之最漸教化者室廬耕牧有書籍文字彌利堅國會造廟宇設教師刊書板

千薩士種類又名高搔士千四百七十名居地四千二百方里在沙洼尼士之北土著窮苦與阿些

治士種類無異，所居以籬爲牆，上覆木板而泥其外。

地那洼士種類八百二十六名，居地三千四百五十方里，在干薩士之北，俗與沙洼尼士同，有彌利堅國所設廟宇教師。

機加布士種類五百八十八名，居地方千二百方里，在地那種類之北，有頭目，獨創教門，以爲能知未來之事，其教中規矩，以爲如犯惡事，欲赦罪過，能不飲濃酒，不理毛髮，每一禮拜，聚集諷經四次。

即可悔解，附從入教者，不過四百人，有彌利堅國廟宇教師，並礮臺一所。

包尼士種類約萬名，與般加士種類八百名，共居地二萬五千方里，皆舊土著。

阿麻哈種類千四百名，原土著居地方若干，未悉其詳。

阿多士種類，彌梭里士種類共千六百名，居地方二千五百方里，亦原居士著。

西尼加士種類二百五十口，沙洼尼士種類二百

海國圖志 卷之三十三
口共居地方二百方里

委士種類二百二十口比晏機搔士種類六百十口共居地方二百五十方里

比阿里阿士種類加士機阿士種類共百有三十名同居地方百五十方里

阿島士種類二百名居地方五百六十二方里波達注彌士種類四百四十一名居地方若干未詳

以上十四種俱已入化此外種類散處無定如阿力加那士詩晏尼士沒拉弗俄羅士穩特厘士阿

里巴哈士等種皆在化外捕獵爲業
溱狂無知故

里白人少與交易千八百三十五年道光十五年彌利堅

俄國遣兵征討始申約束不相侵寇

威斯頓特底力部東界威斯滾申南界威斯頓達多里西界落機大山北界英吉利屬地幅員約有三十

萬方里地勢崎嶇人跡罕至故不得其詳千八百五

年嘉慶十年秋有船戶里威士由彌梭里河溯流而上得

其來源於落機大山石壁峭立高有百丈懸瀑飛流

河源湍激舟行甚險濱河時有崩坼山麓樹木叢茂

海國圖志 卷之三
居於上段者，鼻丹士敏尼達里士墨臘弗各種類，居於下段者，即底頓士然頓士西阿士各種類，千八百三十五年，道光十五年與彌利堅拒戰者，此區人居多，土產山羊鹿各種皮毛。

阿里顏達多里部，又曰戈攬彌阿達多里，東界落機大山，南界墨西果國，西界比西非益海，北界英國屬地，西隅近海山嶺雖多，而東隅落機山最大，其幅員里數未詳，產木料皮毛，有木曰擺樹，高約二三十丈，圍圓約有四五丈，幹直無節，至杪始分枝葉，遠望若

傘然，并有一種，其脂如糖，秋收其子，作餅甚美，惜土人多伐為薪，境內河有阿里顏河，源自落機大山，長六百里，威士河長千里，在戈攬彌阿河口之土蠻，不業農工，非漁即獵，鑿木為舟，可載四五十人，所獵獸皮，運至戈攬彌阿河口，與歐羅巴人易壞礮臺、鍋、白珠、藍珠、煙葉、鐵刀等物，土俗甫生男女，即以物束頭，俾其頂鼻挺直，并飾脂膩為美觀，間有佩熊爪銅鐲，藍珠白珠者，多以妻女出售，交易一就，任人調媼，不以為意，居東隅者，伊司律士衣尼沙士洼爾拉士梭

加爾士金那士左攀尼士等種，風俗言語畧同。甫生子，以石枕頭經年始除去之，故其腦骨扁平。惟東南土著與戈攬彌阿河口各種不同。察其土俗音語，似是由附近彌斯西比河遷至也。戈攬彌阿河之北岸，卽彎戈洼島，袤廣百有五十里，林木蔥蘢，且多沙石。海濤沖激，其聲如雷。居於斯者，食則海魚，衣則獸革。此外尚有小島，每島卽有一種類，各有頭目。先有彌里士曾至其地，見其頭目之屋，約可容八百人。有飲食者，有坐卧者，儀軀粗莽，以人骨爲飾，有庫貯珍寶。

其最大頭目所轄，不過萬有三千人。容貌原不惡劣，惟以赤土和黑沙塗面，令人望而駭惡。食則惟魚，甚至以人爲食。故市上貿易，多有人之手足。以上原本

其景天而目視雖不極萬百三干人容與氣不...

海國圖志卷六十四

歐羅巴人原撰

外大西洋北墨利加洲

侯官林則徐譯

邵陽魏源重輯

北墨利加洲內墨是可國

一作墨西哥一作墨西哥原無今補

職方外紀曰北墨利加國土多富饒鳥獸魚鼈極多畜類更繁富家畜羊嘗至五六萬頭又有屠牛萬餘僅取其皮革餘悉棄去不用百年前無馬今得西國馬種野中生馬甚眾又最良有雞大于鶩羽毛華彩特甚味最

佳吻上有鼻可伸縮如象縮之僅寸餘伸之可五寸許諸國未通時地少五穀今亦漸饒新田斗種可收十石又產良藥甚多其南總名新以西把尼亞內有大國曰墨是可屬國三十境內有兩大湖甘鹹各一俱不通海鹹者水恒消長若海潮土人取以熬鹽其甘者中多鱗介之屬湖四面皆環以山山多積雪人煙輻輳集于山下舊都城容三十萬家大率富饒安樂每用兵與他國相爭鄰國即助兵十餘萬其守都城亦恒用三十萬人但囿于封域聞人言他方有大國土大君長輒笑而不

信今所建都城周四十八里不在地面直從大湖中創起堅木爲樁密植湖中上加板以承城郭宮室其堅木名則獨鹿能入水千年不朽城內街衢宮室又皆宏敞精絕其國王寶藏極多所重金銀鳥羽鳥羽有奇彩者用以供神工人或輯鳥毛爲畫光彩生動初國內不知文字今已能讀書肆中有鬻書者矣俗務農工人尙尊貴面目美秀彼自言有四絕一馬二屋三街衢四相貌也舊事魔神殺人以祭或遭災亂則以魔嫌人祭少故每歲輒加多至殺人二萬其魔像多手多頭極其險怪

祭法以綠石爲山，真人背於上，持石刀，剖取人心，以擲魔面。人肢體則分食之，所殺人皆取于鄰國，故頻年戰鬪不休。今掌教士人感以天主愛人之心，亦知事魔之謬，不復祭魔食人矣。其中有一大山山谷，野人最勇猛，一可當百，善走如飛，馬不能及。又善射，人發一矢，彼發三矢矣。百發百中，亦喜啖人肉，鑿人腦骨以爲飾。今亦漸習于善，最喜得衣，如商客與衣一襲，則一歲盡力爲之防守。迤北有墨古亞，剛不過千里地，極豐饒，人強力多壽。生一種嘉穀，一歲可二熟。牛羊駱駝糖蜜絲布之

類尤多。更北有古理亞加納，地苦貧，人皆露卧，以漁獵爲生。有寡斯大人，性良善，亦以漁爲業。其地有山，出二泉，稠膩如脂膏，一紅一墨色。

萬國地理全圖集曰：默西可國，北連兼攝邦國，西南連巴拿馬微地，東接默西海隅，西連大洋海，北極出自八度至四十二度，偏西自七十度至一百十七度，袤延圓方二百八十四萬四千方里，與花旗國交界之地，乃平坦無木，遍處牧場，居民以牛羊爲生。所有高山，大概六十丈，亦有出火之峰，屢次地震，亦有新山忽出，舊山隕

落江河不多沿海港口有四其天氣不一若自南至北其冷熱立變民不勤勞是以山內財幣不出運售他國者獨有烏木紅木呀蘭米與香料而已其山出水銀銅鉛亦有金其最多者乃銀通計普天下所出之銀默西國居其三分之一銀礦廠共計三千座所有每年銀價值二千五百萬員中國之洋錢大半由此國運出是班牙未到其國時居民頗向化建廟築壇效物之像而畫字其國有土君律例規矩與中國微似今尙有大城之古蹟是班牙軍侵其國而占據之自乾隆以來每年出

銀千六百萬員其通商不多每年六百萬員入出之貨物價乃其大概嘉慶年間佛蘭西軍與是班牙國爭此地居民不肯悅服新主亦不願服其故主擅自專制是班牙軍攻之眾民效死鏖戰而驅其暴可惜國家未定迭興迭廢又與佛蘭西國結仇而卒求平其國制度與花旗相似其國家之公費入不敷出拖欠甚重其居民分三類一曰是班牙之後裔實乃地主其中亦有巨富豪封之家一曰土人匾鼻大骨以耕田度生貧而好奢好飲酒一曰雜類卽白黑人等嫁娶所生居民共計八

海國圖志卷之十四
百萬丁皆奉加特力教，憚勞好逸，英佛列國商賈鑿山開礦，因使費浩繁，其益少損重，此地分十五部，其國都居民一十二萬丁，內有高屋巨宇，殿堂肅靜，山川秀麗，柳楊相映，但因地勢低，累次漲溢，亞加補羅可乃西地，大海口，昔時每年有呂宋大船過海貿易，此時生意衰，安熱里邑大殿堂，以金銀粧飾，居民九萬，敬十字架，乃東方之馬頭，建於沙坦，船泊遭危，其通商甚盛，瓜他拉撒拉，近附銀山之城，三十七年，所出之銀，共萬六千五萬員，居民七萬丁。東半地，稱曰加里縛尼，實屬沙礁。

惟西北最豐盛，出各項水果。

其東北方連花旗國，係平坦土，所有花旗豪民，遠遊冒險，遷到此邦，勤力開墾，而立其國，稱曰特汲默西，可民不悅之，再三交鋒，未分勝負也。○麥西國南形勢危地，馬拉邦，昔歸麥西哥之版圖，今亦自立土主，產者牙蘭米烏、紅等木、金銀藥材、牛皮、龍餅，每年運出貨價三百萬員，山峻入雲，時有地震，其居民與墨西哥不異，共計百九十萬人口。○其海濱英人入山伐木，務工者四千餘人。○所有巴那馬微地，窄狹，故此智士設計開河連東。

西洋大海而造通中國之路，但因山磽硬，未知可否，若果能如願，其利無窮。

地里備考曰：美詩哥國，一作墨西哥，美里加州北區之西南北極出地十六度起至四十度止，經線自西八十九度起至一百二十六度止，東至花旗德沙二國暨美詩哥海灣西枕大海，南接瓜的馬拉國暨大海北連花旗國，長約一萬里，寬約三百里，地面積方約一百一十八萬四千七百八十里，煙戶約一京二兆餘口，地勢中高邊下，由東南而西北，岡嶺層疊，峯巒參天，亘國中數

千里如人之脊，其中四火峯尤峻，總名曰煙山，卽美理哥國之落機大山也。貫南北二州之地，隨地異名，山之兩面平原甚廣，河長者四湖大者六，其地北境曠漫，有草無木，民以游牧爲生，南廣東磽瘠，而西膏腴，百卉繁生，果實皆備，土產五金，礬煤絲麻蠟蜜水銀絲花煙葉，甘蔗胡椒牙蘭米，以及木材香藥，而大利則在於銀攻礦之廠三千餘所，各國行用番餅出於墨西哥者三分之二，地氣互異，海濱酷熱難堪，內地溫和，其地彌高，其熱彌少，若高至四五百丈，則有如芳春景象，人安物阜。

倘或再高氣亦遞寒至於冰雪凝積則數日間四時景象俱駢集焉不設君位國人各立官長司理地方朝內有正副首領權理國政所奉之教乃耶蘇公教也初北州之地自美理哥外皆野番雜處無部落惟墨西哥早建爲國有城邑有壇廟有王有官肖物形而作字有律例有廢城極大云是千餘年前古蹟不知何代何名也明正德中大呂宋國徧據南北州諸國地爲藩屬亦侵據墨西哥國且以此國爲各國之綱領及嘉慶十五年國人苦苛政倡變攻拒十載始盡逐大呂宋官兵自立

國君道光三年國人復去王位立官司理國政如美理哥國之例通國分十九部四郡曰美詩哥曰給勒達羅曰瓜叔阿多曰彌刷干曰沙黎斯哥曰薩加德駕曰索諾拉曰濟華曰都郎額曰卓合回拉曰新梁曰達毛黎曰桑盧意斯波多塞曰委立古盧斯曰布委巴刺曰華沙加曰濟阿巴曰達巴斯哥曰干加敦其府曰加里佛尼曰新美詩哥曰達拉斯加刺曰哥黎麻國都建于德斯古各湖西平原中屋宇宏峻風景清雅街衢闊直學醫各院畢備爲本州富麗之一其通商衝繁之地有五

大埠

地球圖說麥西可國東南西三面都界大海東北界花旗國百姓約有七百萬之數都城內民二十萬人分三類一大呂宋後裔二土人面帶棕色鼻扁顴高耕田爲業三雜類卽黑白二種交相嫁娶而生地勢沿海低下中有高山積雪不消內有火山不時地震北方曠野牛羊是牧馬非家畜任人拘執道光二十七年與花旗國決戰近日盟好矣是國昔屬大呂宋嘉慶十七年民心不服羣拒呂宋而自立爲國所宗天主教國內黑人悉

以捕魚爲生天氣最冷五穀難出故獨墾海濱之土而內地荒蕪。五曰新本土威在海邊袤延方圓七萬一千方里其江千五百里皆深可行船遍地肥腴民不耕田惟入林斷木春水浮送出港賣行價銀卽飲酒費盡而歸大城邑皆在江邊通商以木料爲最每年英民到者六千丁還有間處給寓數十萬丁其會城曰約翰乃最大之馬頭與英國通商。六曰散約翰島乃老兵所移之處出麥穀可補鄰地之缺。七曰新着大島袤一千三百里延九百里居民七萬二千丁乃魚鼈之藪夏

時漁舟蟻集兼種荷蘭薯蔬菜不植五穀產魚最豐居民富裕佛蘭西之氓猖獗屢叛英官嘗派兵討之

案墨西哥有煙山自米利堅西界來稱落機大山因火峰最多故也自危地馬拉以南至南亞默利加之極南皆曰安達斯大山長約一萬餘里

外國史畧曰麥西可國北極出地自十五度至三十三度廣袤方圓七萬六千里長六千里闊自四百六十里及二千八百里南及東洋海連危亞地馬拉地北界花旗東及海港西及大東洋海明武宗正德二年是班亞

人至此尙未知其地之廣大八年復遣精銳兵數百深入震以火器降服其國居民頗向化有金銀飾物亦通文字原係日本國難民畱此之苗裔今難詳考是班亞王貪其山多金銀設官管理亦派師船防範他國每年掘金銀礦約一千二百萬圓大半運入是班亞其居民屢缺用道光元年居民見花旗國自主開創盡力效尤驅除是班亞人連年拒戰道光四年遂自立國合十五部爲一地雖是班亞屢圖復據因舟師不能直入而止但麥西哥人不明政令廢立自由二十餘載臣民反覆

無常掘礦雖旺賊盜橫行白日劫掠雖效花旗國之自強而無花旗國之法度焉其國海濱少港船無灣泊其小船入處淺窄線港曲折大礙通商然遇有敵艘來侵亦幸有此阻礙中地高於海六百丈其山峯高一千七百丈北地高坦其土饒确多煙瘴間有沃壤則歲收百倍內有四大湖惟一湖水鹹有火山時時地震有銀山每年掘出約二千三百萬圓金二百萬圓英吉利日耳曼民皆爭掘之又出藥材顏料所產牙蘭米歲值百五十萬兩今亦消滅俗好騎馬執天主教惟僧是聽居民

亦務農織布而其他物必由外國運入道光四年運出之貨一千二百萬圓運入者四百四十萬圓今漸加增銀局所鑄印之銀錢每年約一千七百萬圓此時減少三百六十餘萬圓各商所出本銀約七百七十萬兩至今未償故公班衙多散。麥國之都城居民十四萬在廣谷近湖街屋煌耀甲于通州東邊海港曰他巴哥古時與亞西亞峩羅斯通商今所收之稅每年約四十萬圓由中國所織之絲緞每年有數船到貴里他羅在大谷間居民三萬五千丁附近此地有古蹟亦昔時廣邑

海國圖志 卷之十四
殿屋甚宏不知何國何時所創故墨西哥國自古號爲
富強文物之邦其開創在花旗國之前又布益拉居民
九萬口其禮拜堂最壯麗乃是班牙國人所建其西方
港口乃全地之大市爲西國雲集之埠附近砲臺乃是
班亞所築費銀二千八百萬兩然地有煙瘴居人易病
國地分十九部東海邊之加利弗尼居民甚罕其半地
及馬加坦半地在東邊各有土酋每八萬人擇一賢士
會議掌政令麥西哥選首領以攝其權公帑所收者九
百三十七萬五千圓所費者一千八百萬圓多由他國

借銀欠項往往不還軍士共計三萬二千丁武費九百
六十萬員水師費一百三十萬圓

案北墨利加形如飛魚西北有高山曰落機自西北
而東南東偏有山曰押罷拉旣俺有大河曰密士失
必如中國之黃河回環萬餘里其極北爲冰疊次南
休侖湖以北爲英吉利荒地中曰米利堅三十六部
膏腴地也其西南德沙國德沙之西曰麥西哥又南
一線彎環曰危地馬拉國英吉利地西北爲峩羅斯
地麥西哥之西北米利堅之西曰戈攬彌亞河其北

爲阿里顏達多里地其西有彎戈注島其東曰威斯頓底特力又南曰威斯頓達多里皆因底阿土番也新地者湖之東也農地湖之西北也花地花旗國也

北墨利加洲西南四國

原無今補

職方外紀曰北墨利加之西南有花地富饒人好戰不休不尚文事男女皆裸體僅以木葉或獸皮蔽前後間飾以金銀纓絡人皆牧鹿若牧羊然亦飲其乳有新拂郎察往時西土拂郎察人所通故有今名地曠野亦多險峽稍生五穀土瘠民貧亦嗜人肉又有拔革老本魚

名也因海中產此魚甚多商販往他國恒數千艘故以魚名其地土瘠人愚地純沙不生五穀土人造魚腊時取魚頭數萬密布沙中每頭種穀二三粒後魚腐地肥穀生暢茂其收穫倍於常土又有農地多崇山茂林屢出異獸人強力果敢搏獸取皮爲裘亦以爲屋其緣飾以金銀爲環鉗項穿耳近海有大河闊五百里窮四千里不得其源如中國黃河之屬

按花地農地近皆開墾即彌利堅各部明時未有也

北墨利加西方三國

原無今補

職方外紀曰北墨利加西爲既未蠟爲新亞比俺爲加

里伏爾尼亞地勢相連國俗畧同男婦皆衣羽毛及虎
豹熊羆等裘間以金銀飾之其地多大山一最大者高
六七十里廣八百里長三四千里山下終歲極熱山半
則溫和山巔極冷頻年多雪盛時深六七尺雪消後一
望平濤數百里山出泉極大匯爲大江數處皆廣數百
里樹木茂盛參天蔽日松實徑數寸子大于常數倍松
木腐爛者蜂輒就之作房蜜瑩白味美採蜜者預次水
邊候蜂來隨之而去獲蜜甚多獨少鹽得之如至寶相
傳節之不忍食獅象虎豹等獸動輒成羣皮亦甚賤雉

有大者重十五六斤地多雷電樹木多被震壞有小鳥
如雀於枯樹啄小孔千數每孔輒藏一粟爲冬月之儲

北墨利加洲西北諸蠻方

原無今補

職方外紀曰北墨利加地愈北人愈野無城郭君長文
字數家成一聚落四周以木柵爲城其俗好飲酒日以
報仇攻殺爲事卽平居無事亦以鬪爲戲而以牛羊相
賭凡壯男出戰則一家老弱婦女咸持齋以祈勝戰勝
則家人迎賀斷敵人頭以築牆若欲再戰臨行其老人
輒指牆上髑髏以相勸勉其女人則砍其指骨連爲身

海國圖志 卷六十四
首之飾人肉則三分之一以祭所事魔神以一賞戰功
以一分給持齋助禱者若獲大仇則削其骨長二寸許
鑿頤作孔以骨栽入露寸許於外用表其功頤有樹三
骨者人咸敬畏之戰之時家中所有寶物皆攜而去誓
不反顧以期必勝也其尚勇好殺如此蓋由地本富饒
人家星列又無君長官府以理法斷其曲直故小小爭
競便相攻殺也此地人多力女人亦然每遷徙凡什物
器皿糧糗子女共作一駝負之而行上下峻山如履平
地坐則以右足爲席男女皆以飾髮爲事首飾甚多亦

帶螺貝等物男女皆垂耳環若傷觸其耳及環則爲大
辱必反報之所居屋卑隘門戶低甚以備敵也昔年極
信邪魔持齋極虔齋時絕不言語一日僅食菽一握飲
水一杯而已凡將與人攻戰者或將漁獵耕穫者或將
宴樂喜飲者或忽遇仇家者輒持齋各有日數耕者祀
兔與鹿求不傷稼獵者祭大鹿角以求多獲鹿角大者
長五六尺徑五六寸也有大鷲鳥西國所謂鳥王者巫
藏其乾腊一具數百年矣亦以爲神獵者祭之巫覡甚
多凡祈晴雨則于眾石中尋取一石彷彿似物形者卽

以爲神而祭之一日不驗卽棄去別求一石偶值晴雨輒歸功焉歲獲新穀亦必先以供巫其矯誣如此近歐羅巴行教士人至彼勸令敬事天主戒勿相殺勿食人遂翕然一變又強毅有恆心既改之後永不犯也俗旣富足又好施予人家每作熟食置於門首往來者任意取之卽彌利堅邊地各土蠻

海國圖志卷六十五

北墨利加洲內俄羅斯屬地

原本

邵陽魏源重輯

屬俄羅斯者在英吉利西三面皆海東隅與英連界兩國互爭迨千八百二十五年道光五年始定疆界其地與俄斯之亞細亞洲東隅中隔一海對渡僅五十二里幅員雖百有三十萬方里而部落惟監札加一區一作甘渣殊在阿細亞之極東餘皆海中島嶼人跡罕至常時火焰交秋卽冰土多不毛人性馴良不獷狂窟地而居覆以土每一

巢穴人至百餘儼若村落前此麥釐舟至其地登岸遊行忽陷地中見有無數之人在內工作大抵居山者衣食于禽獸濱海者則捕魚爲生其各島之人皆伊斯歸毛土種類習俗剛柔不齊中有銅島高千有三百丈銅礦甚多至今無人開採惟附近居民耕種工作技藝日漸精巧鄰近有戈底阿島長六十里島之北有谷港谷港之前有尖沙曰比士威林沙居民肥短頭大面寬鼻準如鈞各刺鼻唇嵌飾珍寶毳衣善漁其漁艇多裹以魚皮俄羅斯人亦往貿易第港口礁淺此外小島尙多

其最大者有渣治達島阿彌臘兀島港汊紛歧前人注戈瓦注至此周歷博訪欲尋一河直達赤城湖或達阿蘭底海竟不可得渣治達島內居人多自俄羅斯遷至謂之麻臘甫種類新墾一區曰紐阿占牙內居千人廬舍礮臺皆用木植多產皮毳海船赴粵者皆購焉歲得值約銀二十萬員俄羅斯邇年所據之摩底牙港口形勢雖不甚長然與紐加兀科海岸相連故貿易亦蕃庶地球圖說俄羅斯屬國在北美利加州者東界英屬國南西兩面都界大東洋北界北冰洋百姓約五萬其地

海國圖志 卷之三
二
西北多冰雪終年不消，熊野獸極眾，遍地草木，人跡稀少，農事不興，所居或房屋，山地多穴處，常與亞細亞人通商，皮貨貂鼠海虎爲多，蓋此州極西北之一隅，名監札加。一作甘查甲與亞細亞之極東北隅，僅隔海港五十餘里，故從彼地跨而有之。

地里備考曰：北州之地，隸大呂宋國兼攝者一固巴島，在亞美里加州北區之南，緯度自北二十度起至二十三度止，經度自西七十六度起至八十七度止，長約三千七百里，寬約五百里，煙戶七億四萬餘口，岡陵重疊。

河流貫沃，其長者曰高都，曰基內斯，曰挨，又名黑人河，田土膾腴，產五穀五金水晶鐵石等物，地氣南方燥熱，地分三府，曰西府，首邑名合瓦那，建于北方海濱，泊所穩便，舳舻雲集，曰中府，首邑名三達馬里，曰東府，首邑名三的牙額。

一波爾多黎各島，在亞美里加州北區之南，緯度自北十七度五十四分起至十八度三十分止，經度自西六十八度起至七十度止，長約五百里，寬約一百五十里，地面積方四千五百里，煙戶三億餘口，由東而西，岡陵

延袤地氣溫和，生殖蕃衍，地分七縣。地里備考曰：本州之地，隸大尼國兼攝者一，曰義斯蘭的亞。在亞美里加州北區之東北，緯度自西十九度四十分起至六十六度四十四分止，經度自西十九度四十分起至二十八度五十五分止。四面枕海，長約九百里，寬約七百五十里，地面積方三萬九千里，煙戶五萬餘口。乃北冰海大島也。岡陵疊起，火山不一，湖河眾多，貫徹沃潤。河之長者曰維達，曰的科爾薩，曰合爾麼薩，皆在南方。曰拉加刺，曰布魯阿，皆在東方。曰挨沙拉，曰

斯加爾方的亞，曰若古爾，曰斯加巴達，皆在北方。湖之大者曰迷瓦，曰丁瓦拉襪，曰非斯各襪，其中有常吐熱氣者，土瘠，惟產銅、鐵、鉛、玉、瑪瑙、水晶、硫磺、紋石等物。地氣嚴寒，不便居棲。地分三州：曰南州，首邑名勒給惟克，曰西州，首邑名斯達奔，曰東北州，首邑名馬都魯瓦。一曰哥羅英蘭的，又名襄的麻，在亞美里加州之東北，緯度自北五十九度三十八分起，經度自西二十度起，均未詳所止。東北枕冰海，西南界巴非英海，長約六千里，寬約二千里，地面積方一百一十一萬里，煙戶二萬四

千餘口多寒少暑偶熱則非常熇烈土瘠產薄人皆業漁地分南北南邑首名如列尼沙合北邑首名厄日德斯

一曰安的列斯中有三島一三達古如斯長約八十里寬約三十里一三多美長約六十里寬約三十里一桑若漢長約六十里寬約三十里皆在亞美里加州北區之南地氣溫和居棲甚便土廬產裕首邑在三達古盧斯島中

地里備考曰本州之地隸厄羅斯國兼攝者有陸地有海島陸地曰厄羅斯美里加在此州北區之西北緯度自北五十四度四十分起至七十五度止經度自西一百三十三度起至一百七十度止東連新北勒達尼西枕白令海南接大海北界北海暨白令海峽長寬皆約四千餘里地面積方約四十萬里煙戶五萬餘口峯巒疊聳冰雪凝積凜冽難禁地磽產艱共分九部曰義斯基茂曰基德內曰朱克濟曰哥乃給曰給乃塞曰朱加至曰烏加達世米于德曰古盧至曰新加里佛爾良首郡名昔德加建于海島之中又有四島分四部地氣巖

寒田土磽瘠以漁爲業
外國史略曰峩羅斯藩屬地在此州者爲西北邊雪地
並所屬嶼州廣袤二萬四千四百五十方里民二萬一
千口分三部曰實查曰木改略曰甲若又有冰嶼曰雪
臘加曰甲查曰古佳等地其都城曰新天使魁小邑也
峩人在亞西亞東北恆以獵貂鬻其毳皮爲生後東貂
漸減遂到北默利加開埠而產物不豐有名無實每年
運出惟獺皮海虎皮甚多
外國史略曰英吉利藩屬地在此州者曰上下加那他

北極出地自四十二度至五十七度偏西自六十一至
八十一度長四千六百里闊約一千里廣袤方圓萬四
千二百里居民百十四萬北至冰雪地南連花旗國東
連新本西威部及大西洋海西及花旗國並荒地其山
自海濱入內地千餘里中多平坦西則密林羅陵士河
岸肥沃居民聚集以爲樂國此地湖大如海河曰羅陵
士長四百五十里地多材木五穀煙麻豆及各絨毳皮
貨土蠻游獵無定民大半以獵爲生初佛蘭西開此地
後英人攻據之於乾隆年間分爲上下部地廣民希天

海國圖志卷六十五
氣甚冷，遂招遠氓開墾。至今下加那他部地未開墾者，只四分之一。納餉銀百四十萬圓，守兵三千，民壯九萬四千。上加那他部未開墾者，五分之一。納餉七十一萬圓，公費均同，守兵二千，民壯五萬。此部分五郡，二百有八州，一百六十縣，居民六十萬。佛蘭西苗裔居五分之一，近十餘年所入新氓約三十萬人，戶日增。都會曰貴北城，居民四萬，在羅陵士河濱，通商大市也。運出材木不可勝數，門地嶼在羅陵士河之中，亦通商。大半崇天主教，新來之氓奉舊正教。伐木開墾，每年往來之船約

載二十七萬噸，運出之貨，每年值銀六百萬兩，運入者值銀五百四十萬兩。上加那他分二十六郡，二百八十縣，都會曰御城，最興旺。上部居民久據廣地，與下部匪徒結衅，抗英官憲，連年交戰。花旗之民又助之，幸良氓助兵，彈遏其亂，英民謀食者多遷此開墾焉。英人所據北亞默利加各地，東北曰拉巴突，土民甚鮮，終年冰雪，設教師以化之。新開之地，廣袤千六百六十里，居民九萬，與拉巴突隔一海峽，地多澤瀉，無產物，惟多魚。英船每年運乾魚出六十萬石，價三四百萬員，水

海國圖志 卷之十三
手二萬亦捕鯨魚海犬而售其皮骨與油惟地磽氣冷
食物必自外運入居民產業價值銀約三千七百五十
五萬圓每年利銀千三百二十七萬圓運進之貨五百
八十一萬圓運出者五百六十二萬一千圓納餉九萬
八千圓公費十一萬九千圓都會日聖納翰係通商之
埠居民八千道光二十六年火災焚燒殆盡○益瓦地
島廣袤方圓一百里居民四萬三千地豐盛每年運入
之貨四千九萬圓運出者二十二萬四千圓納餉銀六
萬三千圓公費銀七萬圓新蘇各蘭並化頓地嘴廣袤

方圓六百七十里兆頓一百十二里居民十六萬地磽
濕出樹木石炭及海魚等物每年運入之物七百七十
九萬圓運出者六百七十七萬圓納餉銀六十六萬五
千圓公費七十一萬四千圓守兵八百民壯二萬三千
都會日合里法瀕海通商居民萬六千○新本土威廣
袤方圓千三百五十里居民十一萬地多密林民住河
邊運出多材木河流廣大往來便之運進貨價四百二
十萬圓運出者二百九十九萬圓納餉銀四十七萬六
千公費二十六萬六千圓民壯一萬二千土人本少英

海國圖志 卷之二十三
國招氓闢荒與西國無異其總帥駐下加那他城各地
派有官職然百姓亦自擇鄉紳會議行事英國派兵船
巡駛以保護之

案英夷屬地跨落機大山東西居米利堅麥西哥之
北俄羅斯之東東極胡孫海隅地廣惜不毛爾

地理備考曰北州之地隸英吉利國兼攝者曰新北勒
達尼曰北極之地曰北爾慕達曰安的列斯曰盧加亞
斯曰古牙那曰馬加良英斯分序如左
新北勒達尼在北州之北緯度自北四十二度起至七

十八度止經度自西五十三度起至一百四十三度止
東枕巴非英海暨達委斯海峽西接大海暨厄羅斯亞
美里加地南連花旗國北界冰海長約一萬三千里寬
約七千里地面積方四百六十七萬七千里地分六境
一名下加那達一名上加那達兩地長約二千里寬約
一千八百里煙戶一兆二億餘口湖河不一貫徹沃潤
河之長者三湖之大者二地饒產豐地氣雖寒不害居
棲土產五金煤水銀煙葉等物一名新布倫瑞克南北
八百里東西六百里地面積方三萬七千五百里煙戶

一億六萬餘口平原草廣叢林稠密湖河無幾土產穀果木料一名新斯哥西亞長約千里寬約三百五十里地面積方一萬八千里煙戶一億七萬餘口沿海磽瘠北地宜稼湖河眾多土產銅鐵煤滑石等物一名桑若漢羣島長約三百里寬約百里煙戶一萬二千餘口田土膾腴物產豐饒一名德諾瓦長約千里寬約八百里煙戶七萬餘口崖岸峭立沙灘羅列冰雪凝積地多不毛叢林稠密土產鐵煤紋石木料皮革等物北極之地名分三境一名北德溫緯度自北七十五度

起至七十七度止經度自西八十度起至九十五度止地多寒冰人迹罕到一名北日爾緯度自北七十五度起未定所止經度自西九十七度起至一百十七度止地多海島大者則四堅冰凝積惟夏稍消可通舟楫人煙寥落一名巴非英巴利在巴非英亞德孫二海之間中多海島地極寒冽土產甚鮮人煙蕭條北爾慕達島在亞美里加州北極之東緯度自北三十一度五十五分起至三十二度二十分止經度自西六十四度起至六十五度止大小四百島大者曰北爾慕

海國圖志 卷之五
達曰桑若爾曰曰桑達威曰古卑爾曰索美爾塞首邑
在桑若爾日島中泊所穩便舟楫輻輳安的列斯島在
亞美里加州之中緯度自北十度起至二十七度五十
分止經度自西六十二度起至八十七度止其中島嶼
大小不一爲英吉利兼攝者惟十有八地氣炎熱田土
膾腴穀果藥材靡弗蕃衍首邑名那密在波羅維敦斯
島中貿易興隆商賈雲集

盧加亞島又名巴合麻在亞美里加州北區之東南緯
度自北二十度起至二十八度止經度自西七十二度

起至八十二度止大小五百島大者十四地氣溫和田
土肥饒別有古牙那馬加良英斯

地球圖說英吉利屬國在北美里加州者東界西洋南
界花旗西界義羅斯屬國北界冰洋專獵野獸故皮毳
爲重有大城二曰貴北曰門答亞利大江二土產麩粉
牛脯皮貨木料煤炭所進之貨火酒火藥璣琰東方有
二島名新著地新蘇各蘭專捕獸魚以爲生計荒寒
不毛北墨利加洲內英吉利屬地最大亦最礪薄也
北墨利加之英吉利新地東界阿蘭底海西界俄羅斯

海國圖志卷之二十三
屬地南界育奈士迭北界冰海本佛蘭西人也始耶蘇
千四百九十七年明宏治十年佛蘭西人操舟由鮮羅倫士
河直至各地關土興屯經營百餘載始創建部落曰新
佛蘭西設埠通商又經百載地闊民稠當耶蘇千有七
百年康熙三十九年英吉利人始來其地橫行割據遂構兵戎
自千有七百五十六年後乾隆二十一年血戰者八年竟爲英
吉利所奪是時北墨利加洲已全并于英吉利旣而橫
征暴斂各部咸怨誓眾倡義盡逐英吉利官吏自合并
爲育奈士迭國并英吉利所自墾之部落亦皆叛英而

歸育奈士迭國於是英人所有者僅佛蘭西所舊墾之
阿巴加那達羅阿加那達紐墨蘭士埏那注士葛底阿
紐方蘭島勃林士遏島甲墨里頓島七部落而已此七
部仍佛蘭西舊制徭賦輕簡故免於背叛政事與育奈
士迭略同每一大部落立總領一人岡色爾一所俱由
國王勅授甘文好司一所卽育奈士迭所謂里勃里先
好司者也其官亦用育奈士迭國之例會推公舉四年
更代其推舉之例凡部人歲納錢糧至時令四十者或
客民納錢糧至五棒者或收租息至十棒者皆可舉人

海國圖志 卷之二十五
羅阿加那達向設總領一人岡色爾設官三十四人甘文好司執事八十八人阿巴加那達向設副總領一人岡色爾設官十七人甘文好司五十人一切事宜由甘文好司與岡色爾會議復經總領核准施行亦有必由國王勅准者亦有必由國中巴厘滿各官議准者羅阿加那達所行法律六條一英國巴厘滿議准頒行之例一向來所定舊例一加那達相沿舊規一佛蘭西王國舊頒示諭條款并羅汶國之法律一英吉利所定之例一總領借岡色爾所定之例一本部落內岡色爾甘文

好司議定之例有大獄方用主理官參酌英吉利佛蘭西兩國法律而行若常日行事毋須主理也所設主理之人英吉利佛蘭西人各半以昭平允阿巴加那達全用英吉利之法律若紐墨蘭士捻那洼士葛底阿勃林士遏島紐方蘭島甲墨里頓島五部落亦設總領各官法律如阿巴此外尚有馬蒙勒士島孤懸海角為罪人遣流之所而已錢糧以貿易之稅為正供田賦甚少其附近鮮羅倫士河之田前屬佛蘭西時分給各官佃種收息近日英吉利改歸土民自畊羅阿加那達遂收稅

餉銀約八十萬員支給官祿公費約銀五十萬員阿巴加那達因修路濬河虧欠銀約三四百萬員那洼士葛底阿歲收稅餉銀約四十七萬員支發各款公費銀五十三萬四千三百八十員紐墨蘭士埏歲收稅餉銀約三十四萬員支給各款公費銀十九萬五千員紐方蘭島歲收稅餉銀八萬員支發各款公費十三萬五千員勃林士遏島歲收稅銀三萬八千四百員支發各款公費銀六萬八千七百九十五員綜計歷年稅餉支應一切無事則贍有事則匱故於千八百三十四年道光十四年

英吉利國王津貼兩加那達部落文事銀三萬員武事銀百二十萬六千員津貼各部落文事銀十萬員武事銀約七十萬員居斯地者面長色黝準高脣厚睛黑而靈動俗尚禮貌雖農夫隸僕相遇諸塗莫不免冠爲禮由先日在此開地者多佛蘭西貴人與官吏兵卒之後裔故馴良敦睦無犯上作亂之習俗奉加特力教者多波羅特士頓教者少故每一部落建立兩教廟宇並有尼菴宅舍樸素以泥塗木爲牆而聖之屋上先覆木板再鋪石板樓僅一層皆無峻宇終年有灑無掃故埃塵

汚積近年始學歐羅巴之潔淨懸畫卉爲飾衣履亦同
英吉利食多豕肉逢齋戒則以鮮魚蔬菜爲素嗜酒及
茶無茶則以架飛豆湯代之河最長者鮮羅倫士河次
則荷多洼河皆長千有餘里此外若薩歸尼河額列河
先毛里斯河馬達瓦斯河特連河玷士河敖西河里治
流河佛蘭西士河召特里河先瀾河里士底俄支河緬
河比地干底呵河蘇比那加底河洼里河厘洼步爾河
均不及鮮羅倫士荷多洼兩河源流之遠湖則與育奈
士迭國交界有蘇比里阿湖伊里湖休倫湖在境內者

則有安達厘荷湖召特里湖深戈湖額蘭湖而諸湖之
中以蘇比里阿湖爲最鉅周三萬有五千丈產最稀僅
有稻穀麥煙葉大麥麩木材牲畜

阿巴加那達猶華言上部落也東界羅阿加那達南
界育奈士迭國西界荒蕪北界冰海領小部落十有
八其首部曰若又曰多倫多

羅阿加那達猶華言下部落也東界阿蘭底海南界
育奈士迭國西界阿巴加那達北界荒地領小部落
二十有六其首部曰龜麥

紐墨蘭士地東界勃林士邊島南界阿蘭底海那注士葛底阿西界育奈士迭國北界羅阿加那達領小部落十有四其首部曰佛里達力頓

那注士葛底阿東界甲墨里頓島西南俱界海北界紐墨蘭士地勃林士葛島領小部落十有七其首部曰哈里法士

甲墨里頓島在勃林士邊活島之東那注士葛底阿之北領小部落三其首部曰西尼

勃林士邊島在紐方蘭之東那注士葛底阿之北領

小部落三其首部曰查羅氏當

紐方蘭島在甲墨里頓島之東北領小部落二其首部曰鮮閩士

此外西北邊地尚有因底阿人所居未詳

馬蒙勒斯島在大海之中距彌利堅東岸六百里小島環之約有四百周圍礁石易于防守而難于通舟

英吉利人於千有六百十二年明萬曆四十年始往居之當

英國內亂時土民多遷此避禍有詩人注臘爾者覽島嶠之幽勝觸景題詠流播海邦故各島多以詩得

海國圖志 卷之二十三
名島中地暖而不炎，溽草木四時蔥郁，不彫雞犬桑麻，不通外境，風泉雲物，四顧闐寥，可爲避世之樂郊。然土產僅木棉，無他貨，故舟楫不盛，地曠民稀，遂爲國中流人所戍矣。渣治首部落也，爲各官治所，亦不甚廣，僅如大村落。原本

萬國地里全圖集曰：北洲內英國藩屬之地，土廣人稀，北至冰疆，南連花旗國，東西及大洋海，北極出四十度，至五十度，其地大半平坦，江河又多，又長，其最長者稱曰老林，暨以利翁大羅胡倫之湖也。海港羅布，其西方

林木深邃，內多熊狼野獸，土人以毳皮入市，又產木料，可造船，每歲賣與英國價銀幾百萬兩。海濱近新著島，魚鼈如沙之多，夏時簇擁海面，不勝其數。各國漁船雲集捕而鹹之，每年五穀木料皮魚各項所運出者，計價銀八百萬兩，運進貨價銀九百九十萬兩。民戶一百二十一萬丁，年年有英新氓進地，開墾伐木，故數年又可倍其人戶也。○其地有兩大部，曰上下加那，其上部袤延圓方四十二萬三千方里，其河湍急，灘瀉瀑布，飛流卽支瀚內，千有餘洲，忽然江湖之水，匯集急流，到岸

海國圖志 卷六十五
白浪掀天，忽而涸落數十丈，令人驚駭無已。其會城曰貴北，英民多遷其地，闢阡陌，墾荒地，不期成富。其下部昔乃佛蘭西國之新地，居民亦本出其國，尚存禮儀簪纓之族。全崇天主教，設寺建觀，不務文，好歌舞。其會城曰門得亞利。三曰新鮮各蘭，乃半地，天氣最冷，自十月至三月，白雪滿地，出鐵銅石炭，其海中魚亦繁多，居民安分，其都曰哈勒法，商船往來之市，還有大港口，但城邑頗少，通商亦微。每年入國帑銀百六十萬兩，公費銀百十八萬兩。四曰北敦頭，虛懸海中，內有海港，民

爲奴僕，土產金少，銀多，銅鐵鉛水銀，棗穀，縣花，白糖，牲畜，靛青，牙蘭米等物，居民多在南方，少在北方。

海國圖志卷之三十六

海國圖志卷六十六

外大西洋

邵陽魏源重輯

北亞墨利加南境德沙國危地馬拉國

瀛環志略曰得撒一作德沙又作特扱又名費勒多尼亞在墨西哥之東米利堅之西南南面距海長廣皆約千里地平如砥田土極腴草木暢茂穀果皆宜巴拉窩河由此入海地氣溫和煙戶尙稀奧草叢林中有瘴氣舊本墨西哥曠土西班牙據之米利堅貧民墮至後遂叛西班牙而附於墨西哥之卓哈回拉部道光九年又

海國圖志 卷之六
一
叛墨西哥征之六年不服乃聽其自立國無國王惟擇
官司理事土產木料爲多

地里備考曰德沙國又名費勒多尼在亞美里加州北
區之中北極出地二十七度三十分起至三十四度止
經線自西九十六度起至一百零六度止東至花旗國
西連美詩哥國南接德沙海灣北界花旗美詩哥二國
長約二千餘里寬約六百餘里地面積方十七萬一千
五百里煙戶三億二萬餘口西方間有岡陵東南北一
望平原風景清曠有河曰巴刺吾又名北河暨薩北那

巴刺索哥羅拉多奴耶塞德彝達的等乃河之大者也
田土極廡金石草木五穀所產甚繁地氣溫和惟叢林
稠密中藏瘴氣遠人易病不設君位庶民自推官長理
政所奉之教乃羅馬天主教也技藝庸拙貿易蕭條
康熙三十年爲呂宋國人占踞迨美詩哥國不服呂宋
時本國接踵相繼墾地以民稀未能自立故附于卓合
回拉地合爲一部道光九年國人起義屢敗美詩哥國
之兵越六載遂自立爲國通國分二十七邑曰阿刺巴
麻曰巴刺塞里曰阿羅拉多曰古曼治曰哥里牙曰公

薩勒曰阿黎斯布曰厚斯敦曰倭斯卑曰日非勒孫曰刺巴加曰黎卑爾的曰麻德科爾達曰迷郎曰迷蘭曰米那曰那哥多士曰勒黎委爾曰勒夫日約曰薩比那曰三達古斯的音曰三當多尼亞曰桑非里卑曰桑巴的黎西約曰達那令曰達拉委曰瓦盛敦都城名奧斯的音建于巴刺索河濱商賈雲集與後斯敦卑沙爾二城皆通商衝繁之地也

地里備考曰瓜的馬拉國在亞美里加州北極之南其國土在北極出地八度起至十七度止經線自西八十

四度四十三分起至九十六度四十分止東枕安的斯海西界大海暨美詩哥國南接大海北連美詩哥國暨安的列斯海長約三千六百里寬約一千里地面積方四十萬里煙戶一兆六億五萬餘口地勢平原居多中高邊下有安達斯山由東南直達西北峯巒疊起火山甚眾有晝夜吐火不熄者有或吐或熄者湖河不一河之長者八曰桑若漢曰麼刺瓜曰鳴盧阿曰阿羅曼曰波挨斯曰科爾佛曰蘇麻新達曰牙勒湖之大者三曰尼加拉瓜廣約一千五百里曰良曰阿的丹土產穀果

金石禽獸鱗介木料顏料藥材香料珍珠琥珀雲母等物地氣互異東則溫和西則熇熱地多震動每有不虞不設君位各立官長理政所奉之教乃羅馬天主教也技藝麤疎貿易淡薄本國昔為呂宋國兼攝迨美詩哥不服呂宋時本國亦接踵自附于美詩哥迨美詩哥國君被廢時本國亦背之而自立國不歸統屬越十五載國人會議將現在五部改號五國大小不等民數不一

一瓜的馬拉國長約一千四十里寬約五百里京都名

新瓜的馬拉建于高敞平原之地地氣和田土膾百貨駢集

- 一桑薩爾瓦國地面積方約有三萬七千五百里都城離瓜的馬拉國約七百里土饒產豐地氣炎熱火山甚多技藝貿易皆盛其通商衝繁之地五處
- 一洪都拉斯國長約一千二百五十里寬約五百里戶口寥曠地氣濕熱田則膏腴都城建于烏盧阿河濱其通商衝繁之地三處
- 一尼加拉瓜國東西相距南北相距皆約百八十里煙

海國圖志 卷之二十一
戶約十萬餘口，氣溫土沃，都城建于高原，其通商衝繁之地六處。

一哥德黎加國，東西六百里，南北四百里，煙戶約五百餘口，氣溫土腴，都城建于平原，其通商衝繁之地一名加爾達額，一名波盧加。

地球圖說跨的馬刺國，又名危地馬拉邦，東南西三面都界大洋，北界麥西可國，百姓約有二百萬，都城名跨的馬刺城，城內民六萬，天氣較麥西可國更熱，以地當赤道之故也，內多火山，不時地震，昔係大呂宋屬國，今

亦自主，風俗土產與麥西可國相似。

地球圖說又曰：北洲海島在跨的馬刺國東面，隔海甚遠，海島約二十餘，天氣和暢，至秋遇西風，則水壞廬舍，內有三大島，曰苦伯島、海低島、熱美加島，其苦伯之島形勢穹窿，中有高山，內有火山，不時地震，但大半屬英國，其餘屬大呂宋，并佛蘭西，百姓統有三百萬之數，半述耶蘇，半述天主教，其人九分黑，孛一分面白，土產白糖、冰糖、架非酒、蔞百果、訶子、蘇花等物。

外國史略曰：危亞地馬拉國分十五部，昔屬麥西哥道。

光十九年各部自立國舉首領後再合反覆無常地居
南北墨利加一線相連之處廣袤六千五百三十里居
民百有十萬海隅港淺船不能入東有銀山地出黛青
頗豐腴

海國圖志卷六十七

歐羅巴人原撰

外大西洋

南墨利加洲

侯官林則徐譯

邵陽魏源重輯

南墨利加洲之北曰巴拿馬南北洲之界也其正北
曰可倫比三國東北爲各國兼攝地其南伯西爾其
西字露其西南玻利非亞又南爲巴拉大河三國其西智利
極南曰智加此外則土蠻也

南墨利加洲南智加國

瀛環志略巴他峩拿一作八的哥尼阿又作巴羅彌那
又名智加南亞墨利加極南境卽世所傳長人國也地
形如鞞北界拉巴拉他西北界智利東距大西洋海西
距大洋海南距南海南北約三千餘里東西半之其地
草木荒穢人皆野番肢體長大如常人一身有半攫食
野獸不成部落亦不與他國往來地氣嚴寒如北亞墨
利加之北境又別無物產故歐羅巴諸國未嘗過而一
問也極南臨海之地冰雪常凝隔海對峙一島曰鐵耳
聶離依休勾中間之港名麥哲論港內多礁往智利祕

魯者率取道島南狂風迅烈昏霧迷漫濤瀧之猛惡倍
於大浪山舟過人皆額手喜若更生

職方外紀曰南亞墨利加之南爲智加卽長人國也地
方頗冷人長一丈許遍體皆毛昔時人更長大曾掘地
得人齒闊三指長四指餘則全身可知也其人好持弓
矢矢長六尺每握一矢插入口中至於沒羽以示勇男
女以五色畫面爲文飾

南墨利加洲內金加西蠟國 原無 厄瓜爾多及
今補 委內瑞辣附

職方外紀曰南亞墨利加之北曰金加西蠟其地出金

海國圖志 卷之二十一
銀天下稱首其鑛有四坑深者皆二百丈土人以牛皮造軟梯下之役者常三萬人其所得金銀國王十取其一七日約得課銀三萬兩其山麓有城名曰銀城百物俱貴獨銀至賤貿易用銀錢五等大者八錢小至五分金錢四等大者十兩小者一兩歐羅巴自通道以來歲歲交易所獲金銀甚多故西土之金銀漸賤而米穀用物漸貴識者以爲後日當受多金之累然獲利既厚雖知不能絕也其南北地相連處名宇革單近赤道北十八度之下南北亞墨利加從此而通東西二大海從此

而隔周圍五千餘里天主教未行之先其國已預知尊敬十字聖架國俗以文身爲飾土產白糖煙葉蒨飾世所稱南墨利加州內可倫比國卽此也

地理備考曰哥倫比亞國道光十一年分爲三國不相統屬慈釋國志仍以哥倫比亞國括之

哥倫比亞國在亞美里加州南區之北其國土在北極出地十二度起至南六度止經線自西六十一度起至八十五度止東枕亞德蘭的海暨巴拉西利國西連北盧哥斯德爾黎加二國暨大海南接巴拉西利北盧二

海國圖志 卷六十七
國北界大海長寬皆約五千里地面積方一百二十五萬里煙戶二兆八億餘口本國地勢西多岡陵東多廣原江河貫徹河之長者九湖之大者七田土極腴穀果最豐產五金水銀鹽煤寶石木香藥材絳花煙葉藍靛等物叢林稠密禽獸蕃衍地氣互異海濱平原熯烈難禁惟內地高處溫和甚便居棲不設君位國人各立官長理事所奉之教乃羅馬天主教也其餘各教任人尊奉技藝庸貿易少明孝宗宏治十五年有意大里亞國人由呂宋國訪據其地分析爲三一名新加拉那大

二名委內瑞辣一名塞多各置官鎮守嘉慶十五年國人因花旗國創建之後亦聚眾逐呂宋國守官攻戰八載于嘉慶二十四年自復其國號曰哥倫比亞越十二載分爲三國不相統屬一新加拉那大國東至委內瑞辣巴拉西利二國西枕大海南接巴拉西利厄瓜多爾二國北界安的列斯海長約三千里寬約一千五百里地面積方三十四萬里煙戶一兆三億二萬餘口地氣濕熱北方爲甚田土膏腴物產最繁通國分十八部曰波哥大乃國都也建于平原之中餘地曰安的育基曰

內巴曰馬黎濟大曰波巴焉曰巴斯多曰布挨那温都
拉曰說各曰巴那馬曰委拉瓜曰加爾達日那曰蒙波
士曰三達麻爾大曰里約合沙曰冬日曰邦不羅那曰
索各羅曰加薩那勒

一厄瓜爾多國東至巴拉西利國西枕大海南接北盧
國北界新加拉那大國長寬皆約三千里地面積方三
十八萬里煙戶六億三萬餘口地氣温和甚便居樓田
土肥貿易盛國分八部曰基多乃國都也建于山谷之
中餘部曰井波拉索曰英亞不拉曰瓜亞斯曰馬那比

曰官加曰羅沙曰稜音

一委內瑞辣國東枕海暨古牙內地西連新加拉那大
國南接巴拉西利國北界海長約三千五百里寬約二
千二百五十里地面積方四十一萬里煙戶八億五萬
餘口地氣互異平原熇烈山谷温和高阜嚴寒土廬產
豐國分十二部曰加拉架乃本國都也建于山谷之中
餘部曰加拉波曰馬拉該波曰哥羅曰都盧斯羅曰美
黎達曰馬黎那曰亞不勒曰瓜牙那曰古麻那曰巴爾
塞羅曰馬爾加黎大

外國史略曰可倫比各地自北極出地一度至十度南極出地自一度及五度八十八萬方里南連伯路巴悉等國北及安特海隅大西洋海東連巴悉國西連北亞默利加之巴那馬峽并大東洋海此地舊屬是班亞國
歷三百十八年至嘉慶十四載居民忽叛是班亞國調軍不能征服道光元年列邦會議聽其自主與花旗無異但人心不齊道光十年再叛分是地爲三分其西方曰新額那他廣袤一萬七千三百九十五萬里居民一百七十萬六千分五部十八郡地產金較亞默利加各

國尤多亦出銅石鹽葇葇加非青黛皮藥材其安特海港乃名埠也又加他義那居民一萬在巴那馬微地通商興旺每年船隻二千收帑銀三百零七萬圓公欠項三千三百萬圓其都曰巴峩他城居民三萬○其東方威尼蘇拉國地廣袤一萬八千九百六十里居民六十九萬六千地分四部十郡就地高下種麥並加非白糖等貨其都曰加拉甲在安特海口每年進出船一百隻運出加非葇葇煙黛青等貨計一百四十萬兩運入布匹及製造之物約價一百七十五圓其餘海口未大

通商每年收幣銀二百五十萬圓，公欠項二千萬圓。其西南方黃道地方，即厄瓜多爾國，廣袤一萬五千三百八十五里，居民五十五萬口，地分三部七郡，出木料、葛、葛等貨，每年出入之貨各約三百萬圓，進出之船百二十五隻。危亞貴係大港口，公欠項一千五百圓。其是班亞苗裔之民，耽逸樂，憚勞苦，好修飾，男女集會歌唱，飲食無節，惟土人稍知工作，眾食西粟。火山高千八百丈，山嶺極天，地勢雄峻，惟阿利諾河邊地低坦，多澤瀉，草木繁盛，土民性猛，好鬪，惟養牲畜，未向化。

瀛環志略曰：可倫比亞，一作可倫巴，一作金加西蠟。南亞墨利加極北境也。西北至巴拿馬，與危地馬拉接壤。東界英吉利新地，東南界巴西，西南界祕魯，北與西皆界海，縱橫皆約五千里。西界安達斯大山，有火峰，以阿利諾、馬加他二河為大。所稱西班牙三部之新加拉那，大即金加西蠟之轉音也。

南墨利加洲內孛魯國

一作伯路，原無今補。

破利威國附

外國史略曰：伯路國，一作孛露，又作北盧，廣袤萬八千五百八十方里，北連可倫比國，南接破利威國，東及破

海國圖志卷之二十一
利威巴悉等國西及大東洋海南極出地自二度至二十二度偏西自六十五度及八十一度二十分國分三部二十六郡西方多山高入雲霄此地高於海面百二十丈地坦林密山出金銀自是班亞開礦後至嘉慶十四年計共出金銀十二萬三千二百四十四萬圓又出水銀銅胡椒絲花西米藥材白糖但不產食物必由他國運入緣是班亞人初到此國見土人所用器俱金銀寶飾因集土民勤掘晝夜不息運歸本國皆有貨無價是班牙人又自無製造之材必由外國買運而至故財

易得易失也近英人亦於此運金銀返國此地港口曰黑馬城港口有加老國與花旗無異

職方外紀曰亞墨利加洲之西曰孛露起赤道以北三度至赤道以南四十一度大小數十國廣袤萬餘里中間平壤沃野亦萬餘里地肥磽不一肥者不煩耕治布種自能生長凡五穀百果草木皆上品故本地人目爲大地之苑圃也其鳥獸之多羽毛之麗聲音之美亦天下第一地出金礦取時金土互溷別之金多于土故金銀最多國王宮殿皆以黃金爲板飾之獨不產鐵兵器

海國圖志 卷之二十一
皆用燒木鉛石今貿易相通漸知用鐵然至貴餘器物
皆金銀銅三種爲之有數國從來無雨地中自有濕性
或資水澤有樹生脂膏極香烈名拔爾撒彌傳諸傷損
一晝一夜肌肉復合如故傳痘不癩以塗屍千萬年不
朽壞有一種異羊可當騾馬性甚倔強有時倒卧雖鞭
策至死不起以好言慰之卽起而走爲所使矣食物最
少可絕食三四日肝生一物如卵可療諸病海國甚貴
之天鷲鸚鵡尤多有一鳥名厄馬最大生曠野中長頸
高足翼翎極美麗通身無毛不能飛足若牛蹄善奔走

馬不能及卵可作杯器今番舶所市龍卵卽此物也產
棉花甚多亦織爲布而不甚用之專易大西洋布帛及
利諾布或剪馬毛織爲服其地江河極大有泉如脂膏
常出不竭人取燃燈或塗舟砌墻當油漆用又有泉水
出于石罅纔離數十步卽變爲石有土能燃火可當炭
用平地山崗皆有之地震極多一郡一邑常有沉墊無
遺者或平地突起山阜或移山至於別地皆地震之所
爲也故不敢爲大宮室上蓋必以薄板以備震壓其俗
大抵無文字書籍結繩爲識或以五色狀物形以當字

卽史書亦然算數用小石子亦精敏其文飾以珍寶嵌面或以金銀爲環穿脣及鼻臂腿或繫金鈴復飾重寶夜中光照一室其道路自國都以達萬餘里鑿山平谷更布石爲坦途以便驛使傳命則數里一更三日夜可達二千里人性良善不長傲不飾詐風頗淳古因其地金銀最多任意可取故無竊盜貪吝亦不自知其富或反務細微無益之業以度日但陋俗最多近日天主教中士人往彼勸化教之經典書文與談道德理義始改往時殺人祭魔驅人殉葬之俗爲善反力于諸國有捐

軀不辭者其間亦有最惡劣之地土產極薄人拾蟲蟻爲糧以網四角掛樹而卧蓋因地氣最濕又有最毒之蛇人犯之必死故不敢下卧恐寐時觸之也其土音各種不同有一正音可通萬里之外凡天下方言過千里必須傳譯其正音能達萬里之外惟有中國與亨露而已近有一大國名亞老歌人強毅果敢善用弓矢及鐵杵不立文字一切政教號令皆口傳說辨論極精聞者最易感動凡出兵時大將戒諭兵士不過數言無不感激流涕願效死者他談論皆如此

萬國地里全圖集曰伯路國東至巴悉國西及大洋南連治里拉巴拉答等地北交可倫巴南極出自四度至二十五度偏西自六十度至六十八度其上下兩地共計袤延方圓二百七十九萬里山嶺最高者二百四十三丈地場高於海面百二十丈是以山下暴熱而高處冰凝其海邊曠沙不毛內地則五穀豐產但居民不務農專開金銀山礦自是班牙國人至後所開出者廣大無限其著名之銀山稱曰陂多西高一百六十丈周繞五千八百里山坡自頂以下皆各色礦自開通以後所

出之銀共計七萬二千萬兩別有他山出金其江河沙內亦有金故此居人各用心以出地下之庫並不理其地面之五穀蔬菜也○明萬曆年以後是班牙國之軍到亞默利加之時風聞伯路地乃寶海金山是以用心竭力不顧阻礙冒危忍餓而至其地強服其土王居民不能抵禦只得遵是班牙之命又奉天主教自後是班牙國派官防範專其金銀之利道光年間此居民亦驅其外敵而自立土主昔分兩國謂之上下此時再連合一國是班牙國之後裔好接遠客寬和禮貌但憚勞好

逸以賭博爲務其通商不多所出者藥材與金銀而已其女眼波明媚使人易迷造酒善釀痛飲必醉居民二百七十九萬丁國都里馬城其馬頭曰加老港又屈可城在內地昔土君之都也拉八邑在高山中地里備考曰北盧國卽孛路也北極出地三度起至二十三度止經線西六十九度起至八十四度止東至巴拉西利波里維亞二國西枕大海南接高北盧國暨大海北界哥倫比亞巴拉西利二國長約五千三百里寬約二千五百六十里地面積方七十八萬三千里煙戶

一兆七億餘口本國地勢西方崇山峻嶺東方叢林廣原湖河無幾地震甚多河之長者曰馬拉良曰阿不里麻曰吾加牙勒曰瓜拉加湖之大者曰的加田少臙腴野多沙漠土人雖勤稼穡維艱土產五金水銀穀麥胡椒蘇花藥材樹膠顏料香料等物地氣互異海濱溫燥山中調和平原濕熱嶺上寒冽不設君位庶民自立官長理政所奉之教乃羅馬天主教也技藝庸拙貿易蕭條明世宗嘉靖三年有呂宋國人訪據其地虐待其民嘉慶十三年佛蘭西國率兵侵擾呂宋國時各國接

踵謀自立，惟時呂宋兵眾，事竟不果。越十三載，國人協同濟利國軍，侵利馬城，敗呂宋之兵，驅逐官員，自立爲國。不歸統屬，未幾民亂復興，賊寇猖獗，以至國分爲二。有高下之稱，其後疆界雖析，挾嫌如故。通國分七部，曰利馬，乃本國都也。建于利馬各河濱，餘部曰阿勒塞巴，曰不諾，曰古斯各，曰阿牙古，說曰人甯，曰利卑達，其通商衝繁之地二處。

地里備考曰：高北盧亦孛露之分國，一名破利威國，又作波里維亞國，在美里加州南區之西南極出地十一

度起至二十四度止，經線自西六十度起至七十三度止，東至巴拉西利，巴拉大河合眾二國，西連北盧國，暨大海，南接巴拉乖國，濟利國，巴拉大河國三境，北界巴拉西利，北盧二國，長約四千里，寬約一千五百里，地面積方三十九萬六千里，煙戶一兆三億餘口，本國地勢有山谷，有平原，其安達斯山，由北而南，東西分歧，在東者峭壁參天，冰霜凝積，在西者峰巒疊起，火燄不熄，河之長者曰瓜卑，曰北尼，曰比哥麻約，曰馬爾麼勒，湖之大者曰的加，界于北盧之間，田土互異，東方膏腴豐產。

海國圖志卷之二十一
西方磽瘠沙漠至若土產與北盧國相等地氣高下懸殊然東南西大抵溫和，不害居棲，惟北方炎熱爲患，不設君位，立官理政，所奉之教，乃羅馬天主教也。技藝庸，貿易少。本國與下北盧同爲一國，迨下北盧違背，呂宋時，本國亦接踵不受管轄。道光五年，乃去北盧自爲一國，分設六部，曰朱基薩加，乃本國都也，建于平原之中，餘五部曰巴斯，曰疴魯羅，曰波多西，曰哥沙邦，曰達古斯盧，都城曰乍爾加斯，會城曰巴斯達牙古叔，而波多西銀礦最旺，初開至今，得銀七萬二千萬奇。

外國史略曰：破利威國，一作波里維，卽伯路之分國也，亦名高伯路，在伯路之南，地廣袤二萬七千方里，居民二百四十萬口，地分十部，六十三郡，西及大東洋海，北及伯路，東及巴悉國，並巴拉危崖，中有高峰二千五百四十丈，爲是州最高之山，草木蕃盛，人蹟難到，其都曰加申城，居民一萬二千，地甚高，又豐盛，其產銀之山，昔時出銀無數，名揚四海，今礦雖空，然每年所入公帑，尙過於所出，約二千萬圓，海港市頗興旺，又有益賴口，迤貴基口，拉米口，及亞默利加之口，每年約進船各百隻。

又破利威一名玻利非亞

案破利威在祕魯之南安達斯大山自西北來環國之西面如帶其西浮沙浸海斥磧不毛山以東橫嶺錯出拓為平原膏腴之土蔬穀皆宜因地產金銀舉國以攻礦為業農事全荒恒苦饑饉居民皆西人苗裔善待賓客溫藹可親然好賭惡勞貿易悉倩他國故為西人所制又善釀酒終日沉醉雖兼產銅鉛水銀胡椒甘蔗絲花藥材顏料香料而利權歸他人土人方卧醉鄉呼庚癸焉豈不惜哉

海國圖志卷六十八

邵陽魏源重輯

南墨利加州內巴拉大河國

巴拉圭及烏拉圭附

地里備考曰巴拉大河國又曰阿爾仁的納在美里加州南區中南極出地二十度起至四十一度止經線自西五十五度起至七十二度止在巴拉乖烏拉乖西南北七千六百里東西三千八百里地面積方一百四十萬里煙戶二兆餘口內地東方平原曠廣西北重岡疊嶺河之長者九湖之大者五土饒產富地氣各殊溫

海國圖志卷之二十八
居多夏雨連綿雷電交作山頂冰雪凝積不設君位庶民自立官長理事奉羅馬天主教技藝頗精貿易日盛明武宗正德四年爲呂宋國人攻取駐兵鎮守嘉慶十三年國人不受轄制效尤花旗謀自立國興師攻戰越二載逐去呂宋守官自立國人攝政不設君位通國分爲十四部曰布宜諾塞利乃本國都也建于巴拉大河濱因以名國餘部曰音德勒里約曰哥連德曰三達非曰哥爾多瓦曰尼斯德羅曰都古曼曰薩爾達曰如銳曰加達馬曰里約稜曰桑若漢曰桑盧意斯曰門多薩

其通路閉塞與他國罕交往是以天主教之僧於乾隆年間自招土類教之成人此後是班牙國之藩屬驅其占主其國亦出茶葉與武夷不同飲之者醉後不醒拉國之南還有廣地曰巴他我那一片荒蕪人戶不多野人形貌魁梧其天氣甚寒居民以獵獸爲生其最南之地隔海島其內間之海峽昔係駛伯路船之大路此時望其島之南而航時時暴風冰霜交作最屬危險

地理全圖集曰拉巴拉他國由治理國東延至大西洋海遼潤平坦袤延三百萬餘方里平坦浩渺草樹雜木

海國圖志 卷之二十八
其大江與國同名流長九千里進海之口濶九十里北里可馬河與伯默若河匯之游牧平地是班牙人初至時野牛不盈十隻但帶牡牝而牧放之近日加增繁盛其居民七十萬不重農務惟捕野牲食牛肉售牛皮歌舞賭博騎馬而已通商甚大進口貨價三千九百萬員所出者三千萬員雖自立主但尊貴弄權虐民律例未定此時各部取兼攝亞默利加國之號但國權久廢各自專擅其國都曰捕諾愛勤居民七萬丁在大江之濱山威多乃其馬頭通商殷盛內地尙有國曰巴拉吳愛

卽巴拉乖

一作巴拉圭

之異名也

外國史略曰銀國一名拉巴他國東南連巴他峩尼北及破利威東連巴拉涯烏路危等國西連治利廣袤方圓四萬一千里居民六十萬其地廣大平坦在拉巴他河邊瀕河地甚豐盛其餘大半荒蕪荆棘千里百姓不耕惟獵野牛食其肉賣其皮河流甚長其廣如潮入海處甚濶國中有草葉味如茶可飲居民游牧騎馬奔駛速如飛鳥歲入公帑銀七百萬圓出入百萬圓公欠項五千萬圓國都曰善爲勒城在拉巴他河口因以名國

居民八萬所運者係牛馬獺皮每年三四百外國船進口者各三四百隻運進英國布匹絲緞各項價四百二十五萬圓○此國昔與銀國相合者曰巴拉危涯廣袤四千一百七十五方里居民十二萬○南連之國曰烏路危廣袤四千九百十五方里居民十二萬九千其都曰文地威多城大港口也居民一萬與外國通商歲約一千三百萬圓船二百餘隻每年出入不絕巴拉之都曰亞孫西雲居民一萬二千通商未廣此外本州之北謂之南墨利加州內各國兼攝地埔頭而已安達斯大

山在國之西與智利界

地里備考曰巴拉乖國在美里加州南區之中乃巴拉大河分國也南極出地二十度起至二十八度止經線自西五十六度起至六十一度止東至巴拉西利國西南連巴拉大河國北界高北盧巴拉西利二國長約二千里寬約八百里地面積方三十四萬三千里煙戶二億五萬餘口本國平原廣濶山林稀疎河之長者曰巴拉乖在西方曰巴拉那在東南曰波盧多曰波德黎曰多巴的曰義巴內曰比勒皆在北方曰加那卑曰的比

瓜黎皆在南方每遇陰雨各河漲溢積久難消遂成大湖水退泥淤其地膏腴產穀果草木大黃血竭桂皮甘蔗藍靛蘇花烟葉茶蜜牙蘭米等物禽獸充斥鱗介尤繁地氣互異濕熱燥寒各有不同酋長統攝所奉之教乃羅馬天主教也工商皆少原本國於明世宗嘉靖五年有意大里國人據其地越九載爲呂宋所取撥與耶穌會僧人管攝後僧奏毋庸派設官守並禁呂宋國人前往其地以免日久篡奪致廢教規呂宋國君均依所請是以二百年來政事皆歸僧攝理乾隆三十二年

呂宋國王將耶穌會僧盡逐出境本國遂附于加拉大河國爲一部派官鎮守迨呂宋所屬各國不服統轄驅逐守官本國各地亦自分二十縣首邑名阿松桑乃本國都也建于巴拉乖河岸因以得名其通商衝繁之地五處

地里備考曰烏拉乖國在亞美里加州南區之東南南極出地三十度起至三十五度止經線自西五十五度起至六十一度止東至巴拉西利國西界烏拉乖河南枕亞德蘭的海暨巴拉大河北接巴拉西利國南北千

二百五十里東西千三百里地面積方八萬三千里烟
戶七萬餘口南皆山阜北則平原有河曰巴拉大曰烏
拉乖曰內哥羅塞波拉地等貫徹沃潤故肥饒豐產地
氣溫和、不害居棲、不設君位、公立官長以司政事所奉
之教、乃羅馬天主教也、工商皆少、原本國始為巴拉
大河國之地、繼為巴拉西利國所取、迨道光六年、國人
叛而自立、不歸統屬、各地分為九府、曰蒙德維罷、曰馬
爾多那、曰加內羅斯、曰桑若塞、曰哥羅尼、曰索黎奴、曰
白三都、曰都拉各奴、曰塞盧拉爾科、國都建于巴拉大

河岸右

瀛環志略曰、拉巴拉他、一作孛臘達、又作巴拉大河、在
又作由乃的模拉文士士
智利東隔以安達斯山、北界玻利非亞、東界烏拉乖、巴
拉圭、西南界巴他峩拿、東南距海、長約四千五百里、廣
約三千里、巴拉圭、或作巴拉乖、又
作巴拉吾愛、間於巴西拉、巴拉他
中、長約一千八百里、廣約八百里、烏拉乖、在巴拉圭南
長一千二百五十里、廣一千三百里

南墨利加洲內伯西爾國

原無
今補

職方外紀曰、南墨利加之東境有大國、名伯西爾、起赤

道以南三度至三十五度而止。天氣融和，人壽綿長，亦無病疾。他方有病不能療者，至此即瘳。地甚肥饒，多奇異鳥獸。江河爲天下最大，有大山介亭露者，高甚，飛鳥莫能過。產白糖，最多。嘉木種種不一，而蘇木甚多，亦稱爲蘇木國。有一獸名懶面，甚猛，爪如人指，有鬃如馬腹垂着地，不能行，盡一月不踰百步。喜食樹葉，緣樹取之，亦須兩日下樹。亦然，決無法可使之速。又有獸前半類狸，後半類狐，人足，鼻耳腹下有房，可張可合，恒納其子于中，欲乳方出之。其地之虎，餓時百夫莫可當，值其飽

後一人制之有餘，即犬亦可斃之也。饕餮之害如此。國人善射，前矢中的，後矢即破前筈，連發數矢，常相接如貫，無一失者。俗多裸體，獨婦人以髮蔽前後，鑿頤及下脣作孔，以貓睛夜光諸寶石嵌入爲美。婦人生子即起作務如常，其夫則坐蓐數十日，服攝調養，親戚俱來問候，餽遺弓矢食物，有難以情理通者。然習俗相沿，亦莫覺其非也。地不產米麥，不釀酒，用草根曬乾磨麪作餅以當飯。凡物皆公用，不自私。土人能居水中，一二時復能張目明視，亦有能游水最捷者，恒追執一大魚，名都

海國圖志 卷六十一
白狼而騎之以鐵鈎鈎入魚目曳之東西走轉捕他魚素無君長書籍亦無衣冠散居聚落喜啖人肉西土常言其地缺三字王法文是也今已稍稍歸化頗成人理其南有銀河水味甘美嘗湧溢平地水退布地皆銀沙銀粒矣河身最大海口濶數百里水入海中五百里以內尚爲銀泉不入鹵味其北又有一大河名阿勒戀亦名馬良溫河身曲折三萬里未得其源兩河俱爲天下第一

萬國地理全圖集曰巴悉國一作伯西爾國東至大西

洋海西連路巴拉等國南亦交巴拉北連墨西哥與佛蘭荷蘭等藩屬北極出一度至南三十二度偏西自四十五至六十五度袤延方圓九百七十二里其地之山不高而大半平坦其江河又多又長普天下至長者曰亞馬孫河其口似海凡悉河由南流北烏路愚愛河自北至南兩者皆長江也此國之林木深密財產山積惜人跡難到百物自萌自槁其國出紅木珈琲棉花白糖藥材牛皮烟焉又出金沙金網鑽石各項寶玉其居民無經營之心由外國買來物件布疋每年運出貨共價

海國圖志 卷六十一
銀千五百九十三萬兩，出二千三百四十九萬兩。葡萄牙國船初到此國，一望荒地，漸加開墾。荷蘭國兵奪取之，占據五十年，復爲葡萄牙驅逐，培植田稼，買黑面人口而用之。於道光年間，居民上下四百萬丁，其中八十八萬白面之人，四十二萬雜類，十五萬自主之黑民，以及百七十二萬黑奴。是時居民自恃有權，能自專制，遂絕本國而自立。舊王之世子爲君，又取國之尊貴者，合力協心治理，其居民性憚勞，惟雇黑奴行作，自尋娛樂，而溫待其奴，並非暴主也。其國都及其馬頭曰牙匿羅，其

海口廣大，光景最美。令初至者銷魂，其居民百五十萬丁，商船雲集，又巴希亞馬頭，居民悅賭博，因陷溺日深，匪類夜間殺人，陷南捕可大城，居民七萬丁。其地方一片平坦，居民惟騎馬獵牛而已。貴城在內地，金沙剛玉所出，居民惟用心出百寶而不務農。內地之土人不多，野性强梗。在此地之北，尚有佛蘭西新地，林樹稠密，外人不服水土，染瘴多死。其都城曰加延，出番樹與丁香等貨，但因疫氣，故人戶疏罕。而國家罪犯徒流於此，荷蘭亦開新地，名曰蘇利南，在水澤之中，出白糖、珈琲。

海國圖元 卷之六
等貨但其林內尚有遁去之黑人屢次與土人勾串滋事其都曰巴拉馬利破美城。英國北奪荷蘭地而居之沈茫泥地亦出白糖珈琲等貨將其地分三部曰特默拉曰益其坡曰北彼治其黑人大半在此耕田產物多而費耗繁是以其農無利

外國史略曰巴悉國一作伯西爾國北連危亞拉可倫比等國南連烏拉圭東及大西洋海西連銀國破利威伯路等國廣袤十四萬四千五百五十方里北極出地自四度十七分及南極三十八度地多山甚荒蕪多河

澤饒材木五金寶玉等貨古無人到有葡萄國商船漂至其地一見山嶺廣大卽占之居民蠻猛不服而無技藝究爲葡萄人火器所降服後荷蘭來爭暫據其地旋不能守葡萄亞再據之創立巴悉國居民共計六十萬口管是地者皆葡萄亞苗裔其黑面人則由亞非利加買運來每年四五萬口居民崇天主教物產最盛者爲白糖加非又出米絲烟紅木金剛石地雖肥饒百姓惟牧羊牛種甘蔗不種五穀故屢遭飢饉每年出金約值五萬圓金剛石值十萬圓運出貨價三千八百五十萬

海國圖志卷六十九
圓通商之地係牙匿羅都城其進口船每年七百隻英
國人十之四花旗國人十之二其北方向有數海口通
商民間殷戶多外國人此國君亦自稱王立公會以議
國政民不好學故無學館每年所入公帑銀千八百二
十五萬圓公欠九千一百萬圓兵十三萬民壯二十萬
大小戰船一百二十隻其都曰牙尼羅城居民二十一
萬巴希亞城居民十八萬五千巴拉城居民二萬八千
五百聖保羅城居民四萬五千貴城居民三萬九千美
城居民二萬五千白南布可城居民六萬二千

海國圖志卷六十九

歐羅巴人原撰

侯官林則徐譯

外大西洋

南墨利
加洲

邵陽魏源重輯

南墨利加州內智利國

原本

萬國地理全圖集曰南亞默利加地內之列國俱各自
主除巴悉外其餘一切皆昔時是班牙藩屬○北地稱
曰可倫比亞東及大西洋海西至大洋海北連巴那馬
南交巴悉伯路等國北極出地自十二度至南極六度

海國圖志 卷六十九
偏西自五十八至八十度，袤延方圓七十二萬方里，居民三百四十萬名，遍地崎嶇，峯高者二百一十四丈，其火峯令人震懼，兩大河，一曰阿利諾，一曰馬加他，皆入大西洋海地，出珈琲白糖烟錠等物，山川內有金沙珍珠銅銀，但居民游惰，好賭博，通商尚微，男女並穿素衣，防女甚嚴，畧同回教，其土蠻則狼心凶毒。○其國家聽庶民自主，因百姓連久，與是班牙軍攻擊，十敗十勝，畢竟驅敵出境，此時大眾羸淩，逞強不安生事，其國之公欠太重，不能還本，又不能繳息，因分其國以聽各自爲

主四邦各自立國。○著名之城邑曰巴我他，其馬頭曰加拉甲，內地貴多廣，厥袤延甚遠，終年晴和如春，園林花發，真可謂樂國焉。

智利國在南墨利加洲極南濱海，或謂即職方外紀之智加國，然彼稱爲長

人與此志不同，必非一地。東界那孛臘達，西界卑沙非，蓋海南界巴

羅彌那，北界摩里威那，南北距千有四百里，東西距二百餘里，幅員十七萬二千方里，其地多山，有十餘山常噴火焰，最高之奄底士嶺，終年冰雪不消，其卑峯亦千有四五百丈，地多震動之災，惟土肥美，宜稼植，耶蘇紀

年千有五百三十五年明嘉靖十四年始有大呂宋之阿爾麻
俄羅跋涉艱險而至其地千有五百三十八年明嘉靖十七年
有比特羅底哇爾底威阿始據為國與土人爭戰十年
千有五百五十年明嘉靖二十九年始奪得智利大半之地遂
於濱海設立諸部落惟有阿勞果部落不服率兵往侵
屢歲不克反致兵敗被擒自後呂宋雖常設計欲服阿
勞果之人終不能得除阿勞果以外智利之地俱歸呂
宋矣千有五百六十七年明隆慶元年呂宋設頭目仁尼臘
爾管轄其地雖不及庇魯墨西哥之盛而土沃礦旺亦

足富強一方千有八百之十年嘉靖十五年智利聞歐羅巴
各國擾攘遂欲背呂宋而自專制佛蘭西遣人往說不
從竟自立新總領以掌國事次年四月呂宋兵由庇魯
來攻智利兵敗走越俺底士大山而至孛臘達之免多
沙地求援于其酋山馬定遂與智利合兵攻拒呂宋屢
戰始得志復立智利總領雖不稱王而自為一國不復
為呂宋所屬其國每萬五千人立一底表第以轄之別
設數貴人統轄每年征收稅餉銀百有十萬員雜課二
十萬員其在山底阿俄支發銀百有二萬六千九百四

十八員千攝西俺支發銀三十六萬員注爾底威阿支
發銀十八萬員還欠項息銀四十萬員共計每年支發
銀百有九十六萬六千九百四十八員除征收之項尚
少銀六十六萬六千九百四十八員於千有八百二十
二年道光二年會計已欠蘭頓本銀百萬棒國內兵丁與
魯邊界額設防禦查巡步兵七千五百馬兵三千雖不
甚習練然勇壯善騎遇有事之時歲入不敷兵餉水師
軍專派律哥治拉尼管領六十門礮大兵船一隻五十
門礮中兵船三隻小兵船數隻俱由英國購去舊船且

國帑不足恐難修繕堅固戶大約百有五十萬口俗與
大呂宋人不同樸魯謹厚相交以禮好遊敢戰女雖不
讀書識字頗多聰明能佐其男故其酋之精明自強立
國創業矣前時國人多奉加特力教近多改波羅特士
頓教在各國未亂以前國中尚無書籍近日在山底阿
俄部設書館一所藏書數千卷槧板印刷子弟肄業者
四百人駸駸文物俗尚音樂女子少習歌謳貧人以竹
與麻為牆覆以樹枝僅蔽風日富者所居內尚修飾外
則塗墍法律寬簡少奴僕偶有一二生子後即可自主

河道短狹，惟有毛里河、彌荷河較大，源流亦不長遠，常患地震之災。千有八百二十二年，道光二年近海地方忽然高起數仞，千有八百三十五年，道光十五年千攝西俺芝爾蘭諸部落俱被震毀，海水亦低，忽有回浪高二十仞，將各岸被毀之物全行漂去，而海岸忽又高起數仞，船舶俱閣岸，土產金、銅、銀、麥、酒、陶器。

地里備考曰：濟利國在美里加州南區之西南極出地，二十五度起至四十四度止，經線自西七十二度起至七十七度止，東至巴拉大河花旗國，暨巴達科尼地西。

枕大海南接乖德加海灣，暨巴達科尼地，北界波里維亞國，長約四千五百里，寬約四百二十里，地面積方十五萬五千里，烟戶一兆四億餘口，近海之地峰巒參天，火山大者十有六，內多平原，少邱陵，湖河相間，河之長者十一，湖之大者八，田土極廬，物產最豐，地氣頗溫，惟多震動，不設君位，立官司以理國政，百工庸拙，商賈寥落，本國未為呂宋并吞之前，與北盧同為一國，明世宗嘉靖中有呂宋國人訪知其地富庶，調兵侵之，因水土不馴，衢路崎嶇，且國人堅守得地無幾，迨乾隆三十八

海國圖志 卷之二十九
年盡爲呂宋國所取嘉慶十五年因花旗國拒英吉利自立國人相效亦背呂宋逐守官自立爲國惟設官立法意見不同各不相睦內亂復興耶蘇一千八百十四載復爲呂宋國所取戰經四載乃克復其國通國分爲八部曰三的亞麻乃本國都也建于多波加爾馬河岸餘七部曰阿分加瓜曰阿固英波曰哥爾乍瓜曰卯勒曰公塞桑曰瓦爾的維曰濟盧埃其通商衝繁之地凡四

外國史略曰治利國爲南洲之狹地廣袤八千方里居

民七十七萬九千口東面皆高山隔銀國巴他峩尼西及大東南洋海北及破利威南連巴他峩尼南極出自二十五度及四十三度全地分八部山高千五百丈嶺常積雪出金銀而多地震且礦山無水草不出五穀惟兼出銅硝石鹽每年所出之銀七十六萬圓金十六萬圓民多勤勞英國船於道光十一年運進貨價一百九十五萬兩此國亦到中華粵省通商每年公帑收銀百三十萬圓公費約百九十六萬圓公項欠銀三百萬兩軍士三千民壯雖勇而無紀律其都曰散地亞峩城其

海國圖志卷之二十一
地高於海面二百六十丈其居屋各相離如炮臺之立
墻其國之大港口瓦巴來所係通商之大市四方之船
雲集昔係鄉里今居民有一萬五千大抵通商之效故
富庶最易云

地理全圖集曰治理國一作智利國在伯路之南乃沿
大海之窄地南極出二十四度至四十度其濶六百里
而已袤延方圓五十一萬方里一帶高嶺在其東界愈
至東方亦愈磊磊若疊中藏銀礦匠人自冰雪中穿孔
開道每年出銀八十八萬兩金五十一萬兩紅銅愈多

所出又出五穀與各項鮮菓其居民尚農務好接旅客
其女專務作樂彈琴容儀豐雅其國都曰散地亞戎在
茅林之中其馬頭曰瓦拉巴乃南方之城交戰連年爲
敵國所壞當是班牙攻擊之時土人奮勇拒擊至今大
半未歸治里國統理論治里人驅是班牙國軍之際水
陸獲勝可謂赳赳武夫此國家亦自立土主但浮氣輕
躁反覆無常

案智利國居落機大山之西大東南洋之東山海扼
塞雄踞一隅其最北與銀國隔山分界曰斯音破地

海國圖志 卷之二十九
以南曰亞君加危又南分三邑中曰谷加危東曰母
尼羅撒西曰瓦巴來所又南曰毛利又南曰懷孕地
又西南曰瓦地威又少南曰亞拉烏亞那其西南曰
治羅島土沃礦旺其俗溫和好客女有姿容善音樂
今西洋諸國行用番銀成色高者歐羅巴印度所鑄
其常行者分四種曰墨西哥曰祕魯曰玻利非亞曰
智利成色高下不同粵東人能辨之閩人不能辨也
惟稱爲呂宋番又稱鷹仔番云
南墨利加州內各國兼攝地

地里備考曰南州之地屬英吉利兼攝者曰古牙那在
亞美里加州南區之北緯度自北三度四十分起至七
度四十分止經度自西五十九度起至六十二度止東
至荷蘭國兼攝之古牙那地西南連哥倫比亞國北界
亞德蘭的海長約一千里寬約三百八十里地面積方
三萬五千里烟戶一億四萬七千餘口平原廣濶叢林
稠密地分三州曰義斯給波曰德美拉利曰比爾比塞
首邑名若爾口城泊所穩便市舶雲集
馬祿義那斯島又名發哥蘭在亞美里加州南區之南

緯度自南五十一度起至五十三度止，經度自西五十九度起至六十五度止，內有九十餘島，大者曰發哥蘭，曰索勒達，地氣溫和人安物阜，泊所穩便。

馬加良英斯，又名火地，在亞美里加州南區之南，緯度自南五十二度三十分起至五十五度五十九分止，經度自西六十七度十四分起至七十七度十分止，中多島嶼，大者無幾，地氣嚴寒，不便居棲，田土磽瘠，物產維艱，首邑建于義斯達多島中。

地里備考曰：本州之地，隸佛蘭西國兼攝者，曰古牙那。

在亞美里加州南區之北，緯度自北二度十六分起至五度五十五分止，經度自西五十三度五十分起至五十八度三十五分止，東南連巴拉西利國，西接賀蘭國，兼攝之古牙那地，北界亞德蘭的海，長約千六百里，寬約千一百里，地面積方七萬六千二百里，地多荒蕪，人烟寥落，首邑名加夜那，泊所穩便，而貿易冷淡，此外尚有兼攝數島，在本州之中，一名馬爾的尼加，一名瓜達盧卑，一名三德斯，一名馬里亞加蘭大，一名北約德爾，一名德西刺德，一名桑馬爾丁，其桑馬爾丁島，二歸佛

海國圖志 卷之二十一
蘭西兼攝一歸賀蘭所屬三島總名曰佛蘭西安的列斯其島地大小不等泊所穩便近年貿易日盛往來如市

地里備考曰本州之地隸賀蘭國兼攝者曰古牙那又名蘇里囊在美里加州南區之北緯度自北三度起至六度止經度自西五十四度起至六十度止東南連佛蘭西古牙那地西接英吉利國之古牙那地北界亞德蘭的海長約七百五十里寬約六百五十里地面積方五萬里烟戶九萬餘口中有一河名曰蘇里囊由南而

北貫徹其地其餘大河曰馬羅尼曰薩拉美加曰古巴那麻曰迷給利曰哥零丁田土膾腴地氣不馴首邑建于蘇里囊河左岸泊所寬濶帆檣如織此外尚有所攝七島皆在本州之中總名曰賀蘭安的列斯其島大小不等土肥產豐諸貨駢集

地里備考曰南州地屬布路亞兼攝者曰巴拉西利國在美里加州南區之東本巴悉國之分地也北極出地四度二十分起至南三十三度五十五分止經線自西三十七度起至七十五度止東枕亞德蘭的海西連巴

海國圖志 卷之二十一
拉乖高北盧可倫比暨巴拉大河等國南接巴拉乖烏
拉乖二國暨亞德蘭的海北界可倫比國暨古牙那地
長約九千五百里寬約九千里地面積方二百五十六
萬九千八百六十里烟戶五兆餘口岡陵平原相間湖
河甚多貫徹沃潤河之大者十湖之大者四地氣溫和
田土極腴稼穡最豐草木藥材香料禽獸鱗介金石靡
弗畢備粵稽歐羅巴亞細亞亞非里加三州之出產本
國無不有之而本國所產樹木禽獸蟲豸他國多罕見
君位歷代相傳所奉之教乃羅馬天主教也此外各

教任人尊奉概不禁止技藝頗精貿易日盛明孝宗宏
治十三年布路亞國人來據此地迨大呂宋兵侵擾布
路亞國時本國亦爲賀蘭人所取明懷宗崇禎十三年
布路亞國驅逐呂宋後遂與本國逐去賀蘭復歸布路
亞國兼攝道光五年布路亞國君封其世子伯德祿于
巴拉西利自爲一國不相統屬越六載伯德祿返國傳
位于其子國分十八部曰里約熱內盧乃本國都也建
于海濱百貨駢集五方輻輳曰聖寶盧曰三達加達里
納曰聖伯德祿曰馬德葛羅索曰科阿斯曰迷那日來

斯曰斯不黎多三多曰巴義亞曰塞耳日貝曰阿拉科
瓦斯曰伯爾能布各曰巴來罷曰北里約哥蘭的曰西
阿拉曰標意曰馬拉良曰加良巴那其通商衝繁之地
五處

外國史略曰南默利加州各國兼攝地四區一英國所
屬之危亞那國在亞利諾可河濱大半藪澤多烟瘴土
甚肥出白糖加非各物英人所據地曰益貴破曰他馬
曰拉利居民產業之價每年收銀二千六百二十五萬
圓運入之貨七百萬圓出者二千一百萬圓公帑收四

十二萬圓費用四十九萬圓兵士七百民壯五千。一
荷蘭所據之地曰蘇利南其都曰巴拉馬利城廣袤二
百二十六方里居民六萬四千大半黑奴多廣林時與
荷蘭交戰通商甚旺運出之物每年約二百五十萬兩
○一佛蘭西所據者曰加音尼廣袤五百二十里居民
二萬四千九百口地多密林尙未開墾爲謫徙罪人之
地多染瘴而死故多逃亡。一葡萄牙所據之地屬巴
悉國

墨利加州極南方土番部落

海國圖志 卷之二十一
地里備考曰巴達科尼部落在美里加州南區之南緯
度自南三十六度起至五十六度止經度自西六十五
度起至七十八度止東枕亞德蘭的海西接濟利國暨
大海南界南海北連巴拉大河國長約五千里寬約二
千里地面積方六十六萬六千里烟戶約二億餘口山
林層疊峯巒參天冰霜凝積永不消化其名齊野的瓦
美的加拉拿三哥雷門的乃火山之大者也湖河眾多
貫徹沃潤河之長者曰內哥羅曰加拉摩利斯曰加雷
額湖之大者曰大湖曰德呼爾曰哥羅瓜卑田土不毛

其人有曰春濟曰爾不支曰亞老岡曰德灰勒各等名
且總名之曰巴達岡地名亦於此取焉

--	--	--	--	--	--	--	--	--	--	--	--	--	--	--	--	--	--	--	--	--

此處有極其
 奇異之景
 名曰日輪
 及雙石等

